

四庫全書

史部

欽定四庫全書

史部

文獻通考卷一百十五

詳校官編修<sub>臣</sub>李堯棟

編修<sub>臣</sub>程嘉謨覆勘

覆校官庶吉士<sub>臣</sub>陳墉

校對官中書<sub>臣</sub>高巾

謄錄舉人<sub>臣</sub>沈以顯

欽定四庫全書

文獻通考卷一百一十五

鄱陽馬端臨貴與著

王禮考十

圭璧符節璽印

虞舜執五瑞既月乃日覲四岳羣牧班瑞于羣后

輯信

也公執桓圭侯執信圭伯執躬圭子執穀璧男執蒲璧  
五等諸侯執之以合符於天子而驗其信否也周禮天  
子執冒四寸以朝諸侯鄭氏注云名玉以冒以德覆冒  
天下也諸侯始受命天子錫以圭圭頭斜銳其冒下斜

刻小大長短廣狹如之諸侯來朝天子以刻處冒其圭頭有不同者即辨其偽也既月盡此月日觀日日見也既見之後審之非偽則又班還其瑞以與天下正始也

程氏演繁露曰尚書大傳曰古者圭必有冒故璫圭者天子與諸侯為瑞諸侯執所受圭以朝天子無過者復得以給使之歸國有過者留其圭三年已上御覽按大傳此言必有所本舜典之謂輯五百六瑞者即此之執圭而朝者也輯者斂之而上呼天子也又謂班瑞于羣后者即此之復與其圭以歸



者也第其有過留之三年者不見所出然大傳此  
言極有理也舜典下文東巡岱宗而贄五玉以朝  
者即與在朝而輯五瑞者同理也正義曰五瑞本  
受之堯斂而還之謂如舜新以付改為舜臣與之  
正新君之始此亦有理然以上下文推之則不通  
矣四岳巡狩皆嘗斂玉而復授之矣至五器之斂  
復即是輯班之異名矣今獨於正月在都所班者  
為舜賜則巡狩之所如所復在已受新賜之後何

用再班也邪以此知大傳所言有理蓋分還留兩端以為賞罰也者其說有理也

按天子之所佩曰璽臣下之所佩曰印無璽書則九重之號令不能達之於四海無印章則有司之文移不能行之於所屬此後世之事也三代以前則未之聞上之所以示信於下者惟圭璧與符節而已封建則有圭璧諸侯朝於天子則執其所受之圭以合焉所謂天子執冒四寸以朝諸侯公執

桓圭侯執信圭伯執躬圭子執穀璧男執蒲璧是也徵召則有符節掌節所謂掌守邦節而辨其用典瑞所謂珍圭以徵守以恤凶荒牙璋以起軍旅以治兵守是也二者皆重器故俱以玉為之古者人朴俗淳故雖有圭璧符節而其用甚簡必大朝會大徵發則以之示信後世巧詐日滋而防制益密故璽書印章之用甚煩而猶懼其不足以防姦莊周所謂焚符破璽而民朴鄙蓋有激也然則圭

璧蓋符節璽印之類世徒見繪禮圖者繪天子諸侯被冕服執圭璧遂以鎮圭桓圭以下為服飾之具又見尚書有五玉三帛二生一死贄之說遂以圭璧為贄見之物然皆非也舜典輯五瑞之下繼之以班瑞修五禮五玉之下繼以如五器卒乃復蓋索之以別其偽而復還之耳春官大宗伯以玉作六瑞以等邦國則自王執鎮圭至男執蒲璧以禽作六摯以等諸臣則自孤執皮帛以至工商執

鷄六瑞在先六摯在後明圭璧非贄獻之物也故  
今叙符節璽印而以圭璧先之

虞書言修五禮五玉三帛二生一死贄如五器卒  
乃復孔注五器即五玉五等諸侯所執也三帛諸  
侯世子執纁公之孤執元附庸之君執黃二生卿  
執羔大夫執鴈一死士執雉五器終則還之三帛  
生死則否然則豈諸侯世子以下則受其物而於  
五等諸侯反無所受乎按周禮小行人成六瑞王

用鎮圭公用桓圭侯用信圭伯用躬圭子用穀璧  
男用蒲璧合六幣圭以馬璋以皮璧以帛琮以錦  
琥以繡璜以黼此六物者以和諸侯之好康王之  
誥諸侯入應門皆布乘黃朱賓稱奉圭兼幣蓋諸  
侯之朝天子有圭璧以為信有馬幣以為贄並陳  
於庭圭璧則合而還之馬幣則受之至於諸侯世  
子以下則無圭璧直以三帛二生一死效贄而已  
無璧則不言復矣然則圭璧蓋似贄而非也聘禮

云以圭璋聘重禮也已聘而還圭璋此輕財而重禮之義也蓋古者朝聘皆以玉行禮而並無受玉之文明玉非幣馬羔鴈之比也

周官典瑞掌玉瑞玉器之藏辨其名物與其用事王晉

大圭執鎮圭纁藉五采五就以朝日

纁有五采文所以薦玉木為中幹用

韋衣而畫之就成也天子常春分朝日鄭司農云晉讀為搢紳之搢謂插於紳帶之間若帶鉤也五就五帀也

一帀為一就公執桓圭侯執信圭伯執躬圭纁皆三采三就

子執穀璧男執蒲璧纁皆二采再就以朝覲宗遇會同

於王

三采朱白蒼二采朱綠也鄭司農云以圭璧見於王親禮曰侯氏入門右坐奠圭再拜稽首侯氏見

於天子春曰朝夏曰宗秋曰覲諸侯相見亦如之亦執圭璧

冬曰遇

時見曰會殷見曰同

諸侯相見亦如之

以相見春秋傳曰邾瑒圭瑒璧琮繅皆二采一就以規

子執玉

高其容仰

瑒圭瑒璧琮繅皆二采一就以規

聘

瑒以聘后夫人以琮享之也大夫衆來曰珍圭以徵

守以恤凶荒

杜子春云珍當為鎮書亦或為鎮以徵守者以徵召守國諸侯若今時徵郡守以竹

使符也鎮者國之鎮諸侯亦一國之鎮故以鎮圭徵之也凶荒則民有遠志不安其土故以鎮圭鎮安之元謂

鎮圭王使之瑞節制大小當與琬琰相依王使人徵諸

侯憂凶荒之國則授之執以往致王命焉如今時使者持節矣恤者開府庫賑救牙瑒以起軍旅以治兵守鄭

之凡瑞節歸又執以反命



農云牙璋瑑以為牙牙齒兵象故以牙璋發兵若今時以銅虎符發兵元謂牙璋亦王使之瑞節兵守用兵所守若齊人成璧羨以起度鄭司農云羨長者此璧徑長遂諸侯戍周璧羨以起度尺以起度量玉人職曰璧羨度尺以為度元蓋為羨是穀圭以和難以聘女穀圭亦不園之貌蓋徑八寸袤尺穀圭以和難以聘女王使之瑞節穀善也其飾若粟文然難仇讎和之者若春秋宣公及齊侯平莒及鄭晉侯使瑕嘉平戎於王其聘女則以納琬圭以治德以結好琬圭亦王使之瑞節諸侯有徵焉琬圭以治德以結好德王命賜之及諸侯使大夫來聘既而為壇會之使大夫執以命事焉大行人職曰時聘以結諸侯之好鄭司農云琬圭無鋒芒故治德以結琬圭以易行以除慝琬圭亦王使之瑞節鄭司農云好琬圭以易行以除慝琬圭有鋒芒傷害征伐誅討之象故以易行除慝易惡行令為善者以此圭責讓諭告之也元謂除慝亦謂諸侯使大夫來聘既而使大夫執

而命事於壇大行人職  
曰殷順以除邦國之慝玉人之事鎮圭尺有二寸天子

守之命圭九寸謂之桓圭公守之命圭七寸謂之信圭

侯守之命圭七寸謂之躬圭伯守之

命圭者王所命之圭也朝覲執焉居

則守之子守穀璧男守蒲璧不言之者闕耳

天子執冒四寸以朝諸侯曰冒

言德能覆蓋天下者也四寸者方以尊接卑以小為貴

天子用全上公用龍侯用

璚伯用將

鄭司農云全純色也龍當為駟駟雜色也元謂全純玉也龍璚將皆雜名也卑者下尊以

輕重為差玉多則重石多則輕公侯四玉一石伯子男三玉二石

琬圭九寸而縹以象

德琰圭九寸判規以除慝以易行

凡圭琰上寸半琰圭琰半以上又半為瑑

飾  
璧羨度尺好三寸以為度羨徑也好璧孔也爾雅曰

之瑗肉好若一謂之環元謂羨猶延其袤一尺而廣狹焉穀圭七寸天子以聘女牙

璋中璋七寸射二寸厚寸以起軍旅以治兵守二章皆有鉏牙

之飾於琰側先言牙璋有文飾也

陳氏禮書曰大宗伯作六瑞自王以下皆言執小  
行人掌六瑞自王以下皆言用則執者自人言之  
也用者自玉言之也執之所以行禮用之所以合  
符宗伯典瑞行人皆言執獨小行人言用則行禮

非小行人所專掌特掌其合符之事而已若夫不  
施於行禮合符則寶而守之此玉人所以又言守  
之也

掌節掌守邦節而辨其用以輔王命

邦節者珍圭牙璋  
穀圭琬圭琰圭也

王有命則別其節之用以授  
使者輔王命者執以行為信

守邦國者用玉節守都鄙

者用角節

謂諸侯於其國中公卿大夫王子弟於其采  
邑有命者亦自有節以輔之玉節之制如王

為之以命數為大小  
角用犀角其制未聞

凡邦國之使節山國用虎節土國

用人節澤國用龍節皆金也以英蕩輔之

使節使卿大  
夫聘於天子

諸侯行道所執之信也。土平地也。山多虎。平地多人。澤多龍。以金為節，鑄象焉。必自以其國所多者於以相別。為信明也。今漢有銅虎符、杜子春云：「蕩當為帑，謂以函器盛此節，或曰英蕩畫函。」

門闕用符節

貨賄用璽節。道路用旌節。皆有期以反節。

門闕司門司

主通貨賄之官。謂司市也。道路者，主治五涂之官。謂鄉遂大夫也。凡民遠出，至於邦國，邦國之民若來入，由門者，司門為之。節由闕者，司闕為之。節其商，則司市為之。節其以徵令及家徙，則鄉遂大夫為之。節唯時事而行，不出闕，不用節也。變司市言貨賄者，璽節主以通貨賄。貨賄非必由市，或資於民家焉。變鄉遂言道路者，容公邑及小都、大都之吏皆主治五涂，亦有民也。符節者，如今宮中諸官詔符也。璽節者，今之印章也。旌節，今使者所擁節是也。將送者執此節以送行者，皆以道里日時課。如今郵行有程矣，以防容姦。璽有所通也。凡節有法。

式藏於掌節

凡通達於天下者必有節以傳輔之

必有節言遠行無有

不得節而出者也輔之以傳者節為信耳傳說所齎操及所適

無節者有幾則不達

圜土

納之

陳氏禮書曰節之為物或以玉或以角或以金或以竹或用以守或用以使或用以民周官掌節之所掌者八玉節也角節也虎節也人節也龍節也符節也璽節也旌節也小行人之所達者六虎節也龍節也人節也旌節也符節也管節也掌節守

邦國者用玉節守都鄙者用角節此用以守者也

山國用虎節土國用人節澤國用龍節皆金為之

此用以使者也門闕用符節貨賄用璽節道路用

旌節皆有期以反節此用於使與民者也

行人凡其使也

必以旌節此使者所執也此掌之者若徙於他則為之旌節以達之此民執也析竹為符

節全竹為管節小行人有管節而掌節無之者掌

節所掌謂之邦節以輔王命則所謂邦國之使節

使邦國者所執也

鄭氏謂使卿大夫聘於天子諸侯誤也

小行人所

達謂之天下之節則所謂龍節人節虎節管節邦國都鄙使者所執非王官所掌也掌節無都鄙之使節以使都鄙者無節特以旌節行之也小行人無璽節以其所掌者使節而貨賄之事不預也然節不特八節六節而已典瑞珍圭以徵守以恤凶荒牙璋以起軍旅琬圭以治德以結好琰圭以除慝以易行穀圭以和難以聘女鄭氏皆以為王使之瑞節則珍圭牙璋琬圭琰圭穀圭使者為信於



所適者也龍節虎節人節符節旌節行人為信於  
道路者也調人凡和難弗辟則與之瑞節而以執  
之此琰圭耳則琰圭不特施於使者民亦與之也  
書康誥曰越小臣諸節春秋之時宋司馬握節以  
死司城致節於府人而去司馬牛致其邑與圭而  
適齊杜預曰圭守邑之信符則守節不特於邦國都鄙雖官  
府小臣亦有之也考工記牙璋穀圭七寸琬圭琰  
圭九寸漢竹使符竹箭五枚長五寸然則先王之

節其長蓋亦不過於此若夫旌節之制又加長馬  
觀蘇武之杖節則非以寸計之也漢竹使符銅虎  
各分其半右留京師左付郡守唐符璽郎凡國有  
大事則出納符節班其右而藏其左先王之節其  
班藏蓋亦如此然老子曰執左契不責於人則藏  
其右者非是

秦以印稱璽以玉不通臣下用制乘輿六璽曰皇帝行  
璽皇帝之璽皇帝信璽天子行璽天子之璽天子信璽

又始皇得藍田白玉為璽螭虎鈕文曰受天之命皇帝

壽昌黻佩既廢乃以采組連結於璫光明表章轉相結

受故謂之綬

通典秦漢以降逮於周隋既多無注解或傳寫訛舛有義理難明雖研覈莫辨今但

約真本史聊存一代之制他皆類此質之者幸察焉

漢高祖元年十月沛公至霸上秦王子嬰封皇帝璽符

節降軹道旁

漢初有三璽天子之璽自佩行璽信璽在符節臺

漢舊儀璽皆玉螭虎鈕凡六璽皇帝行璽凡封國用

之璽賜諸侯王書信璽發兵召大臣以天子行璽策  
拜外國以天子之璽事天地鬼神以天子信璽皆以  
武都紫泥封青布囊白素裏兩端無縫尺一板中約  
署皇帝綬黃地赤采不佩璽璽以金銀滕組滕侍中  
緄負以從奉璽書使者乘馳傳其騎也三騎行晝夜  
千里為程

衛宏曰秦前民皆佩綬金玉銀銅犀象為方寸璽各  
服所好秦以來天子獨稱璽又以玉羣下莫得用其

玉出藍田山題李斯書其文曰受命於天既壽永昌  
高祖入咸陽秦王子嬰以璽降其璽乃始皇藍田玉  
璽螭獸鈕在六璽之外帝既誅項籍即天子位因服  
其璽世世傳受號曰漢傳國璽平帝崩孺子未立璽  
藏長樂宮及王莽即位請璽太后不肯授莽莽使安  
陽侯舜諭指太后怒罵之且曰若自以金匱符命為  
新皇帝變更正朔服制亦當自更作璽傳之萬世何  
用此亡國不祥璽為我漢家老寡婦旦暮且死欲與

此璽俱葬終不可得太后因涕泣左右皆垂涕舜亦  
悲不能止良久乃謂太后臣等已無可言莽必欲得  
傳國璽太后寧能終不與邪太后聞舜語切恐莽欲  
脅之乃出漢傳國璽授之地以授舜曰我老且死而  
兄弟今族滅也舜既得璽奏之莽大悅

皇后璽文與帝同皇后之璽金螭虎紐皇太子黃金印  
龜紐印文曰章下至二百石皆為通官印

漢諸侯王金璽螭紐

璽音戾綠也漢舊儀云諸侯  
王黃金璽橐駝紐文曰璽

徹侯

金印紫綬相國丞相金印紫綬高帝一十年更名相國  
綠綬太師太傅太保太尉左右前後將軍金印紫綬御  
史大夫銀印青綬凡吏秩比二千石以上皆銀印青綬  
光祿大夫無秩比六百石以上皆銅印黑綬大夫博士  
御史謁者郎無其僕射御史治書尚符璽者有印綬比  
二百石以上皆銅印黃綬綬和元年長相皆黑綬建平  
二年復黃綬

武帝太初元年改正朔數用五

紀注云謂印文也若丞相曰丞相之印章諸卿

及守相印文不足  
五字者以之足之

孔氏雜說漢時印綬非若今之金紫銀緋長使服  
之也蓋居是官則佩是印罷則解之故三公上印  
綬也後漢張渙云吾前後十腰銀艾銀即銀印艾  
即綠綬十云者一官一佩之耳印不甚大淮南王  
曰方寸之印丈二之組是也

宣帝時始賜匈奴單于印璽與天子同

王莽既篡位遣五威將軍王駿等多齎金帛遺單于



因易故印故印文曰匈奴單于璽莽更曰新匈奴單于章駿既至授單于印綬令上故印綬單于再拜受詔譯前欲解故印左姑夕侯蘇曰未見新印文宜且勿與單于解故印綬奉上受著新綬不解視印飲食至夜罷右率陳饒謂諸將率曰鄉者姑夕侯疑印文幾令單于不予人如今視印知其變改必求故印此非辭說所能距也既得而復失之辱命莫大不如推破故印以絕禍根即引斧椎壞之明日單于果言漢

賜單于印言璽不言章又無漢字諸王以下乃有漢  
言章今印去璽加新與臣下無異願得故印將率示  
以破印單于知無可奈何又多得賂遺乃遣使奉牛  
馬入謝因上書求故印後以印文改易怨恨勒兵入  
寇

高祖與功臣剖符作誓

文帝二年初與郡守為銅虎符竹使符

應劭曰銅虎符第一至第五國

家當發兵遣使者至郡合符符合乃聽受之竹使符皆以竹箭五枚長五寸鐫刻篆書第一至第五張晏曰符

以代古之珪璋從簡易也師古曰與郡守為符者謂各分其半右留京師左以與之使音所吏反

武帝征和二年更節加黃旄初漢節純赤以戾太子持赤節故更為黃旄加上以相別

文帝十二年除關無用傳

傳信也若今過所也師古曰古者或用檠或用繒帛檠者

刻木為合符也

景帝四年復置諸關用傳出入

應邵曰以七國新反備非常

宣帝本始四年詔曰今歲不登民以車船載穀入關者得毋用傳

光武建武三年閏月丙午赤眉君臣面縛奉高皇帝璽  
綬二月己未祠高廟受傳國璽

王莽敗時仍帶璽商人杜吳殺莽不知取璽公賓就  
斬莽首并取璽更始將李松送上更始赤眉至高陵  
奉璽上赤眉建武三年盆子降光武奉以上之

靈帝熹平六年八月戊辰袁紹等誅宦官引兵入宮  
張邈段珪等急迫劫少帝及陳留王小平津六璽不  
自隨卒未帝還宮是日得六璽失傳國璽袁術死軍

破徐瑋得其盜國璽及還許上之

魏受禪遣使求璽獻穆曹皇后不與如此數輩后乃呼使者入親數責之以璽抵軒下因涕泣橫流曰天不祚爾左右莫能仰視

後漢皇后赤綬玉璽

建武元年復設諸侯王金璽綬綬公侯金印紫綬九卿執金吾河南尹秩皆中二千石大長秋將作大匠度遼諸將軍郡大守國傅相皆秩二千石校尉中郎將諸郡

都尉諸國行相中尉內史中護軍司直秩皆二千石以上皆銀印青綬中外官尚書令御史中丞治書侍御史公將軍長史中二千石丞正平諸司馬中宮王家僕雒陽令秩皆千石尚書中謁者黃門冗從四僕射都郡監中外諸都官令都侯司農部丞郡國長吏丞侯司馬千人秩皆六百石家令侍僕秩皆六百石雒陽市長秩四百石主家長秩皆四百石以上皆銅印黑綬諸曹長掾掎丞秩三百石諸秩千石者其丞尉皆秩四百石秩六

百石者丞尉秩三百石四百石者其丞尉秩二百石縣國丞尉亦如之縣國三百石長丞尉亦二百石明堂靈臺丞諸陵校長秩二百石丞尉校長以上皆銅印黃綬縣國守宮令相或千石或六百石長相或四百石或三百石長相皆以銅印黃綬而有秩者侍中中常侍光祿大夫秩皆二千石大中大夫秩皆比二千石尚書諫議大夫侍御史博士皆六百石議郎中謁者秩皆比六百石小黃門侍郎中黃門秩皆比四百石郎中秩皆比三

百石太子舍人秩二百石

輿服志注

後漢諸侯王列侯始封貴人薨皆令贈印璽

建武二十六年賜南匈奴黃金璽蓋綢綬

建武之初禁網尚闊但以璽書發兵未有虎符之信杜  
詩上疏曰舊制發兵皆以虎符其餘調發竹使而已間  
者發兵但用璽書或以詔令如有姦人詐偽無由知覺  
愚以為軍旅尚興賊虜未殄調兵郡國宜立虎符以絕  
姦端書奏從之



尚符璽郎中四人在中主璽及虎符竹符之半者符節令為符節臺率主符節事凡遣使掌授節

中平六年始復節上赤葆

徐氏曰按漢初節旄純赤武帝以衛太子持赤節乃更節加黃旄東都因之中平六年董卓議廢立袁紹掛節於上東門而去卓以紹棄節乃改第一葆為赤旄也

晉時傳國璽與斬蛇劍俱為乘輿所寶斬蛇劍至惠帝

時武庫火燒之遂亡及懷帝沒胡傳國璽沒於劉聰後  
又沒於石勒及石虎死胡亂穆帝世乃還江南

傳國璽是秦始皇所刻其玉出藍田山是丞相李斯  
所書其文曰受命於天既壽永昌漢高祖定秦秦王  
子嬰獻此璽及漢高即位仍佩之因以相傳故號曰  
傳國璽漢昭帝殿中一夜相驚霍光即召持節郎取  
璽郎不與光欲奪之郎按劍曰頭可得璽不可得光  
善之明日遷郎秩二等光後廢昌邑王賀立宣帝光

自手解取賀璽扶令下殿至漢平帝王莽篡位就元  
后求璽乃出璽投之於地璽上螭一角缺及莽敗時  
帶璽綬避火於漸臺商人杜吳殺莽取綬不知取璽  
及莽頭公賓就見綬問綬主所在乃斬莽首并璽與  
王憲憲得無所送又自乘天子車輦李松入長安斬  
憲送璽詣宛上更始赤眉大司馬謝祿至高陵更始  
奉璽赤眉赤眉立劉盆子建武三年盆子敗於宜陽  
璽還光武孫堅從桂陽入討董卓時已焚燒洛邑徙

都長安堅軍於城南見井中旦有光軍人莫敢汲  
堅乃探得璽初卓在亂掌璽者投於井中故堅得之  
袁紹有僭盜意乃拘堅妻逼求之紹得璽見魏武舉  
以向肘魏武惡之紹敗得璽還漢以禪魏魏以禪晉  
趙王倫篡立使義王王威就惠帝取之帝不與強奪  
之懷帝永嘉五年王彌入洛陽執懷帝及傳國六璽  
詣劉曜後為石勒所并璽復屬勒刻一邊云天命石  
氏此題今不復存勒為冉閔所滅此璽屬閔閔敗璽

存閔大將軍蔣幹晉鎮西將軍謝尚遣督護何融至  
購賞得之以晉穆帝永和八年還江南晉元帝東渡  
歷數帝無玉璽北人皆云司馬家白版天子

晉皇太子金璽龜紐朱黃綬四采赤黃縹紺貴人夫人  
貴嬪是為三夫人皆金章紫綬章文曰貴人夫人貴嬪  
之章淑妃淑媛淑儀修華修容修儀婕妤容華克華是  
為九嬪銀印青綬皇太子妃金璽龜紐纁朱綬諸王太  
妃妃諸長公主封君金印紫綬郡公侯縣公侯太夫人

夫人銀印青綬

程氏演繁露曰晉孔琳之當桓元時建議曰古者  
皇王傳國之璽及公侯襲封之印皆奕世傳用無  
敢改作今世惟尉之一職獨用一印至於內外羣  
臣每遷悉改終年刻鑄金銀銅炭之費不可勝言  
愚請衆官印即用一印無煩改作則知是時每一  
官別鑄印也

宋皇太子金璽龜紐朱綬諸王金璽龜紐纁朱綬郡公

金章元朱綬太宰太傅太保丞相司徒司空金章紫綬  
相國綠綬綬大司馬大將軍太尉凡將軍位從公者金  
章紫綬郡諸侯金章青朱綬驃騎車騎以下諸將軍並  
金章紫綬諸王嗣子金印紫綬郡公侯嗣子銀印青綬  
尚書令僕射中書令監祕書監銅印墨綬光祿大夫太  
子詹事左右衛以下諸將軍監軍銀章青綬諸校尉中  
郎將銀印青綬縣鄉亭侯金印紫綬鷹揚伏波以下諸  
將軍銀章青綬諸都尉校尉中尉銀印青綬州郡史銅

印墨綬御史中丞都水使者銀印墨綬諸軍司馬銀章  
青綬匈奴護羌諸校尉銅印青綬尚書左右丞祕書丞  
銅印黃綬其下又有假青綬假墨綬

齊乘輿制六璽以金為之並依秦漢之制皇太子諸王  
金璽皆龜紐公侯五等金章郡太守內史四品五品將  
軍皆銀章尚書令僕射至諸州刺史皆銅印其綬乘輿  
黃赤纁紺四采太子諸王纁朱綬赤黃纁紺色亦同相  
國綠纁綬三采綠紫紺郡公朱侯伯青子男素朱皆三



采公嗣子紫侯嗣子青鄉亭侯關中關內侯紫綬白二  
采郡國太守內史青尚書令僕射中書監祕書監皆墨  
丞皆黃

梁制乘輿印璽及皇太子諸王五等國封並畧如齊制  
鄉亭關內關中及各號侯諸王嗣子金印龜鈕紫綬關  
外侯銀印龜紐青綬大司馬大將軍太尉諸位從公者  
金章龜鈕紫綬尚書令僕射尚書中書監令祕書監銅  
印墨綬左右光祿大夫加金章紫綬同其位但加金紫

者謂之金紫光祿但加銀青者謂之銀青光祿太僕廷尉以下諸卿丹陽尹銀章龜紐青綬諸將軍金章紫綬中郎將則青綬郡國太守相內史銀章龜紐青綬諸縣署令秩千石者州郡大中正郡中正銅印環紐墨綬公府令史亦同諸縣尉銅印環紐單衣黃綬

梁末侯景之敗也以傳國璽自隨使其侍中兼平原太守趙思賢掌之曰若我死宜沈於江勿令吳兒復得之思賢自京口濟江遇盜從者棄之草間至廣陵

以告郭元建元建取之以與辛術術送之至鄴

按郭元建侯景之黨景敗以廣陵降王僧辨既而復降於北齊齊遣行臺辛術據廣陵傳國璽自五胡之亂沒於劉石石氏敗璽復南歸於晉歷宋齊梁至侯景之敗而璽又北歸於高齊云

致堂胡氏曰有天下者必汲汲於一璽求之不得則歉然若郡守縣令之官而未視印綬也夫璽何所本哉二帝三王不聞傳是物而後為君也舜受

之堯禹受之舜湯受之禹文武受之湯先聖後聖  
若合符節者豈璽之謂歟故詩書春秋紀事詳矣  
曾不及璽獨秦誇大使李斯以蟲鳥之文刻之美  
玉兼稱皇帝以識詔令自是而後始有璽書使秦  
善也而璽無所本固不當法使秦不善也而璽雖  
美擊而破之為宜又何足傳也故嘗論之官府百  
司之印章一代所為而受之君者也不可以失失  
之則不敬天子之璽亦一代所用而非受之於天

者也必隨世而改不改則不新故漢有天下當刻  
漢璽而不必襲之秦唐有天下宜刻唐璽而不必  
襲之隋所以正位凝命革去故而鼎取新也苟以  
為不然曷不於二帝三王監之彼世之璽以亂亡  
毀逸者固多矣必以相傳為貴又豈得初璽如是  
之久邪

陳制永定元年武帝所定乘輿服御皆採梁舊制以天  
下初定務惟節儉至天嘉中乃一依梁天監舊事

北齊制天子六璽並依舊式皇帝行璽封常行詔勅用之皇帝之璽賜諸王書用之皇帝信璽下銅獸符發諸州鎮兵下竹使符拜代召諸刺史用之並白玉為之方一寸二分螭獸鈕天子行璽冊拜外國則用之天子之璽賜諸外國書則用之天子信璽發兵外國若徵召外國及有事鬼神用之並黃金為之方一寸二分螭獸紐又有傳國璽白玉為之方四寸螭獸鈕上交蟠螭隱起鳥篆書文曰受天之命皇帝壽昌凡八字在六璽外唯

封禪以封石函又有督攝萬機印一鈕以木為之長尺  
二寸廣二寸五分皆上為鼻鈕鈕長九寸厚一寸廣七  
寸腹下隱起篆文書為督攝萬機凡四字此印常在內  
唯以印籍縫用則左戶部郎中度支尚書奏取印訖轉  
納皇太子璽黃金為之方一寸龜鈕文曰皇太子璽宮  
中大事用璽小事用門下典書坊印諸侯印綬二品以  
上並金章紫綬三品銀章青綬三品以上凡是五省官  
及中侍中省官皆為印  
而不為章也四品得印者銀印青綬五品六品得印者銅印

墨綬

四品以下凡是開國子男及五等散品名號侯皆為銀章不為印

七品八品九品

得印者銅印黃綬金銀章印及銅印並方一寸皆龜鈕  
四方諸藩國王之章上藩用金下藩用銀並方寸龜鈕  
佐官唯公府長史尚書二丞給印綬六品以下九品以  
上唯當曹為官長者給印餘自非長官雖位尊並不給  
諸王纁朱綬四采赤黃纁紺純朱質纁文織長二丈一  
尺二百四十首廣九寸開國郡縣公散郡公元朱綬四  
采元赤纁紺質元文織長丈八尺百八十首廣八寸開



國縣侯伯朱綬四采青赤白縹朱質青文織長丈六尺  
百四十首廣七寸開國縣子男名號侯開國鄉男素朱  
綬三采青赤白朱質白文織長丈四尺百二十首廣六  
寸一品二品紫綬三采紫黃赤純紫質長丈八尺百八  
十首廣八寸三品四品青綬三采青白紅純青質長丈  
六尺百四十首廣七寸五品六品黑綬二采青紺純紺  
質長丈四尺百首廣六寸七品八品九品黃綬二采黃  
白純黃質長丈二尺六十首廣五寸官品從第二以上

小綬間得施玉環官有綬者則有紛皆長八尺廣三寸  
各隨綬色若服朝服則佩綬公服則佩紛官無綬者不  
合佩紛

後周皇帝八璽有神璽有傳國璽皆寶而不用

神璽明受之於

天傳國璽明受之於運

皇帝負宸則置神璽於筵前之右置傳國

璽於筵前之左其六璽並因舊制皆白玉為之方一寸  
五分高一寸螭獸鈕三公諸侯印皆方寸二分高八分  
龜鈕七命以上銀四命以上銅皆龜鈕三命以上銅印

銅鼻其方皆寸其高六分文曰某公官之印其組綬皇

帝以蒼青朱黃白元纁紅紫緌

則侯反

碧綠十有二色諸

公九色自黃以下諸侯八色自白以下諸伯七色自元以下諸子六色自纁以下諸男五色自紅以下三公之綬如諸公三孤之綬如諸侯六卿之綬如諸伯上大夫之綬如諸子中大夫之綬自紫以下士之綬自緌以下其璽印綬亦如之保定四年百官始執笏常服焉宇文護始袍加下襴遂為後制

隋制神璽寶而不用受命璽封禪則用之餘六璽行用  
並用舊制其綬王纁朱綬四采赤黃纁紺純朱質纁文  
織成長丈八尺二百四十首廣九寸公元朱綬四采元  
赤纁紺純朱質元文織成長丈八尺二百四十首廣九  
寸侯伯青朱綬四采青赤白纁純朱質青文織成長丈  
六尺百八十首廣八寸子男素朱綬三采青赤白純朱  
質白文織成長丈四尺百四十首廣七寸正從一品綠  
綬綬四采綠紫黃赤純綠質長丈八尺二百四十首廣

九寸從三品以上紫綬三采紫黃赤純紫質長丈六尺  
百八十首廣八寸銀青光祿大夫朝議大夫及正從四  
品青綬三采青白紅純青質長丈四尺百十首廣七寸  
正從五品墨綬二采青紺純緇質長丈二尺百首廣六  
寸自王公以下皆有小纓綬長二尺六寸色同大綬而  
首半之正從一品施二玉環以下不合其有綬者則有  
紛皆長六尺四寸廣二寸四分各隨綬色煬帝幸遼東  
命鄭元為京師留守樊子蓋為東都留守俱賜玉麟符

以代銅獸

六典云傳符之制京師留守曰玉麟符

唐制天子有傳國璽及八璽皆玉為之神璽以鎮中國藏而不用受命璽以封禪禮神皇帝行璽以報王公書皇帝之璽以勞王公皇帝信璽以召王公天子行璽以報四夷書天子之璽以勞四夷天子信璽以召兵四夷皆泥封大朝會則符璽郎進神璽受命璽於御座行幸則合八璽為五轡函封從於黃鉞之內太皇太后皇太后皇后皇太子及妃璽皆金為之藏而不用太皇太后

皇太后封令書以宮官印皇后以內侍省印皇太子以左春坊印妃以內坊印初太宗刻受命元璽以白玉為螭首文曰皇天景命有德者昌至武后改諸璽皆為寶中宗即位復為璽開元六年復為寶天寶初改璽書為寶書十載改傳國寶為承天大寶

初高祖入長安罷隋竹使符班銀莧符其後改為銅魚符以起軍旅易守長京都留守折衝府捉兵鎮守之所及左右金吾宮苑總監牧監皆給之畿內則左三右一

畿外則左五右一左者進內右者在外用始第一周而復始宮殿門城門給交魚符巡魚符左箱右箱給開門符閉門符亦左符進內右符監門掌之蕃國亦給之雄雌各十二銘以國名雄者進內雌者付其國朝貢使各齎其月魚而至不合者劾奏傳信符者以給郵傳通制命皇太子監國給雙龍符左右皆十兩京北都留守給麟符左二十右十九東方諸州給青龍符南方諸州朱雀符西方諸州騶虞符北方諸州元武符皆左四右三



左者進內右者付外行軍所以給之隨身魚符者以明貴賤應召命左二右一左者進內右者隨身皇太子以玉契召勘合乃赴親王以金庶官以銅皆題某位姓名官有二者加左右皆盛以魚袋三品以上飾以金五品以上飾以銀刻姓名者去官納之不刻者傳佩相付有傳符銅魚符者給封符印發驛封符及封魚函用之有銅魚而無傳符者給封函還符封函用之天子巡幸則京師東都留守給留守印諸司從行者給行從印木契

符者以重鎮守慎出納畿內左右皆三畿外左右皆五  
皇帝巡幸太子監國有軍旅之事則用之王公征討皆  
給馬左右各十九太極殿前刻漏所亦以左契給之右  
以授承天門監門晝夜勘合然後鳴鼓元武門苑內諸  
門有喚人木契左以進內右以授監門有勅召者用之  
魚契所降皆有勅書尚書省符與左同乃用大將出賜  
旌以顯賞節以顯殺旌以絳帛五丈粉畫虎有銅龍一  
首纏緋幡紫縑為袋油囊為表節懸畫木盤三相去數

寸隅垂赤麻餘與旌同

晉天福三年六月中書門下奏准勅製皇帝受命寶今按唐貞觀十六年太宗文皇帝刻之元璽白玉為螭首其文曰皇帝景命有德者昌勅宜以受天明命惟德允昌為文刻之

周廣順三年二月內司製國寶兩坐詔太常具制度以聞有司奏按唐六典符寶郎掌天子八寶其一曰神寶其二曰受命寶其神寶方六寸高四寸六分厚一寸七

分蟠龍鈕文與傳國寶同傳國寶秦始皇帝以藍田玉刻之李斯篆文方四寸面文曰受命于天既壽永昌鈕蟠五龍二璽歷代相傳以為神器又別有六寶一曰皇帝行璽二曰皇帝之璽三曰皇帝信璽四曰天子行璽五曰天子之璽六曰天子信璽此六寶因文為名並白玉螭虎鈕歷代相傳亡則補之北朝鑄之以金至則天朝以璽字涉嫌改為寶貞觀十六年別製元璽一坐其文曰皇天景命有德者昌白玉螭虎鈕同光中製寶二

坐文曰皇帝受命之寶晉天福四年製寶一坐文曰皇帝神寶其同光天福二寶內司製造不見鈕象並尺寸制度勅令製寶兩坐宜用白玉方六寸螭虎鈕詔馮道書寶文其一以皇帝承天受命之寶為文其一以皇帝神寶為文

按傳國寶自秦始皇後歷代傳授至唐末帝自燔之際以寶隨身焚焉晉高祖受命特製寶一座開運末北戎犯闕少帝遣其子延煦送於戎主戎主

訝其非真少帝上表具述其事及戎主北歸齎以入蕃漢朝二帝未暇別製至是始刻之

宋太祖皇帝受禪傳周廣順中所造二寶

太宗制承天受命之寶

真宗制恭膺天命之寶大中祥符中又別制恭膺天命之寶天下同文之寶用於封禪昭受乾符之寶以印密祠

宋制天子之寶皆用玉篆文廣四寸九分厚一寸二分

填以金盤龍鈕係暈錦大綬赤小綬連玉環玉檢高七寸廣二寸四分厚四分玉斗方二寸四分厚一寸二分皆飾以金裝褱以紅綿加紅羅泥金夾帊納於小盞盞以金裝內設金牀暈錦褥飾以襯色玻瓈碧鈿石珊瑚金精石瑪瑙

大中祥符初登封泰山別製寶盞皆差小其制

又盞二重皆裝以

金覆以紅羅繡帊載以腰輿及行馬並飾以金

又有香爐寶子

香匙灰匙火箸燭臺燭刀皆以金為之

朝會陳於御前大禮即列於仗衛

中

累朝每上尊號有司製玉寶以尊號為文

禁中所用別有三印一曰天下合同之印中書奏覆狀  
流內銓歷任三代狀用之二曰御前之印樞密院宣命  
及諸司奏狀用之三曰書詔之印翰林詔書勅別錄勅  
榜用之皆鑄以金又以鍤石各鑄其一雍正三年並改  
為寶別鑄以金舊者六印皆毀之

皇太子金寶方二寸厚五寸係以朱組大綬連玉環金  
斗金檢長五寸濶二寸厚二分悉裹以紅綿加紅羅泥



金帔納於小盂盂以金裝內設金牀又盂二重皆覆以紅羅銷金帔盂及腰輿行馬皆銀裝金塗他法物皆銀為之釵花塗以金

宋因唐制諸司皆用銅印諸王及中書門下印方二寸一分樞密宣徽三司尚書省諸司印方二寸惟尚書省印不塗金餘皆塗金節度使印方一寸九分塗金餘印並方一寸八分惟觀察使塗金諸王節度使州府軍監縣印皆有銅牌其長七寸五分諸王廣一寸九分餘廣

一寸八分諸王節度觀察使牌塗以金刻文云牌出印入印入牌出或本局無印者皆給奉使印景德四年別

鑄兩京奉使印

大中祥符七年詔自今除國信接待劾獄勾當財用創寺觀外其他細物勿給

又有朱記以給京城及外處職司及諸軍校等其制長一寸七分廣一寸六分士庶及寺觀亦有私記大中祥符五年詔禁私鑄止得雕木為文大方寸

旌節唐天寶中置節度使受命日賜之得以專制軍事行即建節府樹六纛宋凡命節度有司給門旗二龍虎

旗一節一麾槍二豹尾二凡製旗以紅繒九幅髹漆杠  
緋纛旌用塗金銅龍頭髹漆杠網以紅繒畫白虎設髹  
漆木盤於上節亦用髹漆杠飾以金塗銅葉凡三盤為  
二層以紅絲為旄並綢以紫綾旗囊又加碧絹囊麾槍  
豹尾亦髹漆杠麾槍設髹漆木盤綢以紫繒複囊又綢  
以碧油豹尾制以赤黃布畫豹文

銀牌唐制差發驛遣使則門下省給傳符以通天下之  
信宋符券皆樞密院主之舊有銀牌以給乘驛者濶一

寸半長五寸面刻隸字曰勅走馬銀牌凡五字首為竅貫以革帶其後罷之樞密院給券謂之頭子太平興國三年李飛雄詐乘驛謀亂伏誅遂罷樞密院券別製新牌濶二寸半長六寸易以分書上鈹二飛龍下鈹二麒麟兩邊年月貫以紅絲絛端拱中使臣護邊兵多遺失之者又罷銀牌復給樞密院頭子

乾興元年三月作受命寶其文曰恭膺天命之寶命參知政事王曾書之遣內侍諸少府監文思院視工作

仁宗明道元年禁中火寶冊悉焚其年九月改作寶及冊命參知政事陳堯佐書受命寶薛奎書尊號冊寶宰臣張士遜書仁宗為皇太子冊參知政事晏殊書皇太后尊號冊寶二年冊寶成三司言用黃金二千七百兩為法寶法物詔易以銀而塗黃金初真宗嘗為昭受乾符之寶前此亦焚遂詔宰相陳執中書欽崇國祀之寶刻之以代昭受乾符之寶凡齋醮表章用焉

景祐三年篆文官王文盛言於少府監曰在京糧料院

印多偽劬之以摹券歷者謂宜鑄三面印圓其制而面闊二寸五分於外圍周匝篆紀年及糧料院名凡十二字以圍篆十二辰凡十二字中央篆正字上連印鈕今可轉旋以機穴定之用時月分對年中互建十二月寅至丑終始循環每改元即更鑄之云若此使姦人無復措其巧矣少府監以奏詔三司詳定請如文盛言文盛又曰舊例親王中書印各方二寸一分樞密宣徽三司尚書省開封府方二寸節度使寸九分節度觀察留

後觀察使寸八分半防禦團練使轉運州縣印寸八分  
凡印各上下七分皆闊寸六分雖各有差降而無令式  
以紀其數詔從其言著於令

康定初製銅符上篆文曰某處發兵符下鑄虎豹為飾  
而中分之右五符留京師左符付總管鈐轄州軍事官

高者掌之

樞密院下符發兵第一至第五周  
而復始本處勘以左符即發兵

皇祐五年秋九月作鎮國神寶

時閱奉宸庫得良玉廣尺厚半之上以其希世之寶

不欲以為服玩因作鎮國神寶命宰相龐籍篆而參知政事劉沆書其上寶成以進召近臣宗室觀於延和殿是歲太常禮院引唐六典次序曰一神寶二受命寶冬至祠南郊大駕儀仗請以鎮國神寶先受命寶為前導自是遂為定式 初太宗以玉寶二鈕賜太祖之子德芳其文曰皇帝信寶至孫從式上之

英宗即位別製受命寶其文曰皇帝恭膺天命之寶

嘉祐八年將葬仁宗於永昭陵翰林學士范鎮上奏



曰竊聞先朝受命寶及法寶物與平生衣冠器用皆  
欲舉而葬之非所以稱大行皇帝公儉之意也其受  
命寶望陛下寶而用之且示有所傳付若衣冠器玩  
則宜陳於陵寢及神御殿歲時展視以慰思慕詔檢  
討官披繹典故及命兩制禮官議學士王珪等上議  
曰受命寶猶昔傳國璽也宜為天子傳器不當改作  
古者藏先王衣服於廟寢至於平生器玩則世納於  
房中亦不悉陳於陵寢謂宜從省約以稱先帝恭儉

之實已而別製受命寶珪等議格不用命參知政事  
歐陽修篆其文曰皇帝恭膺天命之寶

治平三年命知制誥邵泌殿中丞蘇唐卿詳定天下印  
文泌唐卿皆通篆籀尋復廢罷亦無所釐改焉

神宗熙寧四年詔中外奉使除文臣兩省武臣橫行已  
上不以職務緊慢餘官如使外國接送伴體量安撫制  
勘之類給奉使印餘給銅記以奉使朱記為名

先是臣僚差使不以官序高下職務慢緊例給奉使

印而令式節文非劇司者記故密院有請也

九年八月令禮部鑄諸路提舉官印自是提舉官不帶  
奉使印以出十月詔西作坊鑄造諸銅符三十四副令  
三司給左契付諸門契付內鑰匙庫諸門輪差人員依  
時轉銅契赴庫勘同其鐵牌則請人自執止宿外仗本  
庫依漏刻法發鑰匙付外驗牌給付候開門即執牌納  
鑰匙請出銅契至晚仍依上項請納其開門朝牌六面  
亦隨銅契發放

時上以京城門禁不嚴素無符契命樞  
密約舊契更造銅契中刻魚形以門名

識之分左右給納以戒不虞而啓閉之法嚴於舊日矣

元豐二年詳定儀注所言周禮王執鎮圭釋者曰祭天地宗廟及朝日夕月則執之若朝覲諸侯授玉於王王受玉撫玉而已考工記天子執冒四寸以朝諸侯蓋諸侯執圭以授天子天子以冒圭邪刻之處冒諸侯之圭以齊瑞信如後世之合符未有臨臣子而執鎮圭者唐六典殿中監掌服御之事凡大祭祀則進大圭執鎮圭若大朝會止進爵開寶通禮始著元會執圭出自西房

淳化中上壽進酒又令內侍捧圭於周制唐禮皆不合其元會受朝賀請不執鎮圭上壽詔可

三年五月詳定所言郊廟之禮有鎮圭而無大圭於禮為闕詔議大圭尺度考工記玉人之事鎮圭尺有二寸天子守之大圭長三尺杼上終葵首天子服之說者曰王所播大圭也或謂之珽後魏以降又改為笏珽以白玉為之長尺有二寸西魏以來皆然方而不折雖非古制蓋後世所得之玉隨宜為之考之周禮大圭長三尺

西魏隋唐長尺有二寸請自朝廷揆玉之有無制之又按孔穎達言天子執鎮圭以朝日夕月及祭天地宗廟蓋奉祭祀執鎮圭者摯也搢大圭者笏也唐禮親祀天地神祇皆搢大圭執鎮圭有事宗廟則執鎮圭而已王涇郊祀錄曰大圭質也事天地之禮質故執而搢之鎮圭文也宗廟之禮亦文故無兼執之義不知大圭天子之笏通用於郊廟請自今皇帝親祠郊廟搢大圭執鎮圭奉祀之時既接神再拜則奠鎮圭為摯執大圭為笏

當事搢笏君尊則不搢笏別於臣下也儀注云皇帝搢  
鎮圭蓋沿襲之誤宜改為奠鎮圭盥手飲福則授之人  
詔俟製大圭畢施行詳定所言又古者執玉以行事前  
事則不執開元禮開寶通禮皇帝升輅不言執圭祀日  
質明至中壝門外殿中監進大圭尚衣奉御又以鎮圭  
授殿中監以進於是始搢大圭執鎮圭今皇帝乘玉輅  
執鎮圭赴景靈宮及太廟青城皆乘輅執圭殊不應禮  
請自今乘輅不執圭還內御大輦亦如之詔可詳定所

又言大圭中必之制按考工記天子圭中必聘禮記元纁繫長尺絢組中必與絢組一也絢以薦玉組以約圭二者皆謂之纁藉今之鎮圭無此二物請製薦玉纁藉以木板為中幹廣袤如其玉然後用韋衣之乃於韋上畫五采文前後垂之又製約圭纁藉長尺上以元以絳為地五采五就因為飾每奠圭則以薦玉之纁陳於地執圭則以約圭之纁備失墜因之為飾況大圭措之紬帶之間不可無中必明矣俟明堂服大圭宜依鎮圭



所約之組令可繫從之

四年詔三省印銀銷金塗給事中印為門下外省之印  
舍人印為中書外省之印

六年別鑄禮部貢舉之印舊制貢院有印院廢印亦隨  
毀禮部遇鎖試則牒印廢事故也又詔臣僚所授印亡  
歿並賜隨葬

八年五月作受命寶以皇帝恭應天命之寶為文

哲宗元祐元年詔天聖中章獻明肅皇后用玉寶方四

寸九分厚一寸二分龍鈕今太皇太后權同處分軍國  
事宜依章獻明肅皇后故事從之又詔太皇太后玉寶  
以太皇太后之寶為文皇太后金寶以皇太后寶為文  
皇太妃金寶以皇太妃寶為文

元符元年五月得傳國寶御殿受之

紹聖三年咸陽縣民段義廝地得古玉印光照滿室  
四年十二月上之詔禮部御史臺以下參驗五年三  
月翰林承旨蔡京及講義玉璽官十三員奏按所獻

玉璽色綠如藍溫潤而澤其文曰受命於天既壽永  
昌其背螭鈕五盤鈕間有小竅用以貫組又得玉螭  
一首白如膏亦溫潤其背亦螭鈕五盤鈕間亦有貫  
組小竅其面無文與璽大小相合篆文工作皆非近  
世所為臣等以歷代正史考之璽之文曰皇帝壽昌  
者晉璽也曰受命於天者後魏璽也有德者昌唐璽  
也惟德允昌石晉璽也則既壽永昌者秦璽可知今  
得璽於咸陽其玉乃藍田之色其篆與李斯小篆體

合飾以龍鳳鳥魚乃蟲書鳥跡之法於今所傳古書莫可比擬非漢以後所作明矣今陛下嗣守祖宗大寶而神寶自出其文曰受命於天既壽永昌則天之所畀烏可忽哉漢晉以來得寶鼎瑞物猶告廟改元肆青上壽况傳國之器乎其受寶法物禮儀乞下所屬施行詔禮部太常寺考按故事詳定以聞至四月禮官言五月朔故事當大朝會宜就行受寶之禮依上尊號寶冊儀有司豫製受寶法物并寶進入俟降

出權於寶堂安奉前三日差官奏告天地宗廟社稷  
前一日帝齊於內殿翼日帝服通天冠御大慶殿降  
坐受寶羣臣上壽稱賀

徽宗崇寧五年作鎮國寶

時有以玉印獻者印方寸以龜為鈕工作精巧文曰  
承天福延萬億永無極受寶記言有以古篆進者謂  
是也帝因次其文倣李斯蟲魚篆作寶文其方四寸  
有奇螭鈕方盤上圓下方名為鎮國寶

大觀元年制八寶

時得玉工用元豐中玉琢天子皇帝六璽疊篆紹聖間得漢傳國璽無檢螭又不缺疑其一角缺者乃檢也有檢傳考驗甚詳傳於世帝於是取其文而黜其璽不用因作自受命寶其方四寸有奇文皆琢以白玉篆以蟲魚帝自為之記鎮國受命二寶合天子皇帝六璽是為八寶於是下詔曰自昔皆有尚符璽官今雖隸門下後省遇親祠則臨時具員訖事復罷八

寶既備宜重典司之職可令尚書省置官如古之制  
又詔永惟受命之符當有一代之制而尚循秦舊六  
璽之用度越百年之久或未大備自天申命地不愛  
寶獲金玉於異域得妙工於編氓八寶既成曷無前  
比殆天所授非人能為可以來年元日御大慶殿恭  
受八寶尚書省言請置符寶郎四員隸門下省二員  
以中人充掌寶於禁中按唐八寶車駕臨幸則符寶  
郎奉寶以從大朝會則捧寶以進今鎮國寶受命寶

非常用之器欲臨幸則從六寶朝會則陳八寶皆夕  
納內符寶郎捧寶出以授外符寶郎外符寶郎從寶  
行於禁衛之內朝則分進於御座之前鎮國寶受命  
寶不常用唯封禪則用之皇帝之寶答鄰國之書則  
用之皇帝行寶降御札則用之皇帝信寶賜鄰國書  
及物則用之天子之寶答外夷國書則用之天子行  
寶封冊則用之天子信寶舉大兵則用之應合用寶  
外符寶郎具奏請內符寶郎御前請寶印訖付外符



寶郎承受從之二年詔受命寶字之上添鎮國二字  
三年八月名八寶一鎮國神寶二受命之寶詔古為  
六璽至唐始名曰寶增數至八今天下承平百五十  
年其制尚闕紹聖中得秦李斯所作制度雖工乃藍  
田青玉又鎮國寶未有所稽今寶成祇受典禮始克  
大備寶邦家之慶鎮國受命二寶寶而不用藏置內  
府人未知制作之因可宣付有司

政和二年得元圭御大慶殿受圭

宦者譚祺獻元圭其制兩旁刻十二山若古山尊上銳下方上有雷雨之文下無琢飾外黑內赤中一小好可容指其長尺有二寸詔付廷議議官以為周王執鎮圭緣以四鎮之山其中有好為受組之地其長尺有二寸周人倣古為之而王執以鎮四方也帝乃以是歲冬御大慶殿受圭焉

六年詔御寶自祖宗朝行用今百五十餘年角剝篆暗幾不可驗恐無以示信天下舊有祖宗所藏御前金寶

宜自冬祀大禮畢行用而降新舊二寶印文付外照驗  
且以布告中外

七年制定命寶

時從于闐得大玉踰二尺色如截肪帝又制一寶赤  
螭鈕文曰範圖天地幽贊神明保合太和萬壽無疆  
凡十六字篆以蟲魚制作之工幾於秦璽其實九寸  
檢亦如之號曰定命寶合前八寶為九其後詔以九  
寶為稱以定命寶為首應行導排設去處定命與受

命天子寶在左鎮國與皇帝寶在右又詔得寶玉於異域受定命於神霄合乾元用九之數以明年元日受之凡兩受寶皆赦天下帝曰八寶者國之神器也至定命寶乃我所自制云

禮部言政和令奉使官第二等以上給印餘給記差出者遇替移事故元借印記隨所在寄納本部歲終檢舉拘收而寄納州縣占留給借無以防之乃詔有司立法應州縣寄納禮部印記非奉朝旨不許擅行給借

高宗開大元帥府謝克家以玉璽來上文曰大宋受命之寶

建炎三年鑄三省樞密院銀印

舊制中書門下省印方二寸一分樞密院印方

二寸元豐中詔三省印銀鑄金塗

五月改鑄虎符頒降令刑部遍下諸

處見行虎符並不得施行

康定所鑄銅符

仍繳納尚書省又製

金字牌凡赦書及軍機要切則用之自內侍省遣馬日

行五百里

四年改造宮殿諸門號皇城司掌之舊號不復用

行宮禁衛所言應官司自給號記不許用黃色他色  
不許入皇城門又嚴代名借帶之禁論其罪如律

紹興元年製受命中興寶宣示輔臣

比定命寶  
大半分

是歲祀

明堂八寶猶未備也

二年正月更定行宮殿諸門號勅入禁衛號黃綾八角

三千

入殿門黃絹以方

一千

入宮門黃絹以圓

八千

入

皇城門黃絹以長

八千

其後更殿門號以黃絹圓宮門

以緋黃絹方皇城門以緋紅絹圓又詔官司輒以黃緋

色為號者罪賞依偽造大禮勅號法

四年鑄行宮留守司印

權戶部侍郎王俛言文書以印記防姦偽錢穀尤為要切不可借用他印今車駕巡幸凡常程文書皆留守司裁決以印記權行立用如行在所度支用侍郎印金倉部通用金部印留守司權本部侍郎用尚書印太府司農寺並用寺丞印不惟日下交互異時必生姦弊請度支金倉部太府司農寺各鑄印以行在

所或巡幸某印為文事已發赴禮部置櫃封鑰掌之  
遇巡幸關出行用庶無窒礙其他部要切印記都省  
依此施行詔印文添行在所字

十三年四月行皇后冊禮冊用珉玉五十簡寶用金方

一寸有半螽鈕文曰皇后之寶隆興以後悉循是制

十六年郊祀始陳寶如承平之儀凡中興御府所藏玉

寶十有一金寶三八寶皆高宗皇帝作

入內侍省掌之

一曰

鎮國神寶

文曰承天福延萬億永無疆

二曰受命寶

文曰受命于天既壽永昌



曰天子之寶

答外夷書用之

四曰天子信寶

舉大兵用之

五曰天子

行寶

封冊用之

六曰皇帝之寶

答鄰國書用之

七曰皇帝信寶

賜鄰國書

及物用之

八曰皇帝行寶

降御札用之

大宋受命之寶

太祖皇帝作

定

命寶

文曰範圍天地幽贊神明保合太和萬壽無疆徽宗皇帝作并八寶謂之九寶

大宋受命

中興之寶

紹興元年作五月宣示於內殿寶玉明潤追琢精巧

金寶三

皆建炎二年秋所作

八月三日始用之

一曰皇帝欽崇國祀之寶

印香合祠表

二曰天下

合同之寶

印中書門下省文字

三曰書詔之寶

印詔書紹興元年湖南副總管孔彥

舟於潭州得玉請宣取以刻御寶詔御寶已備自艱難以來華靡之物一無所用令其不須投進

三十二年

時孝宗以受禪

詔恭上太上皇帝尊號曰光堯聖壽

太上皇帝禮官討論冊寶之制冊用珉玉簡長一尺二

寸廣一寸二分數視文之多寡聯以金繩首尾組帶刻

龍鏤金藉以錦褥覆以紅羅泥金花匣塗以朱漆金飾

龍鳳金鎖帔銚上以紅羅綉盤龍帔覆之承以金裝長

竿牀金龍首魚鈎寶用玉篆文廣四寸九分厚二寸二

分以皇祐黍尺為度填以金盤龍鈕係以暈錦大綬赤

小綬連玉環玉檢高七寸廣二寸四分皆飾以金裹以

紅綿加紅羅泥金夾帊納於小盞盞以金飾之內設金  
牀承以玻璃碧鈿石之屬又盞二重皆飾以金覆以紅  
羅繡帊載以腰輿行馬並金飾香爐寶香匙灰匙火筋  
燭臺燭刀亦以金為之命文思院製造乾道七年淳熙  
二年十二年加上尊號及紹熙元年上至尊壽皇帝聖  
尊號慶元二年上聖安壽仁太上皇帝尊號冊寶悉同

此制又上壽聖太上皇后尊號冊寶如慈寧之制

紹興時製

皇太后冊寶寶用金文曰皇太后寶冊以珉或象牙印  
寶法物皆以金詔以玉石製冊上親書其文奉慈寧殿

紹熙初恭上壽聖皇太后壽成皇后尊號金寶皆六字  
文曰壽聖皇太后寶壽成皇后之寶廣四寸九分厚一  
寸二分填以金盤龍鈕至四年加上壽聖隆慈備福皇  
太后尊號金寶以十字為文慶元二年十月上壽聖隆  
慈備福光佑太皇太后壽成惠慈皇太后壽仁太上皇  
后尊號冊寶其制並同嘉泰時其加上壽成慈惠太皇  
太后尊號冊寶亦皆如之

諭冊唯昭慈聖獻皇后以象牙餘皆用珉紹興七年五月

命文思院用玉製顯肅皇后寶二顆禮官言國朝禮制諸后諡寶曾垂簾聽政者則用玉餘則比用金遂詔以

金製  
造

孝宗隆興二年金部言初行會子權借戶部尚書印覆  
印今行之已久恐致混淆宜專有印記俾郎官掌之遂  
鑄太府寺專一檢察會子印二年復鑄尚書覆印會子  
印

乾道元年禮官討論皇太子冊寶之制按會要冊用珉  
玉簡六十前後四枚刻龍填金貫以金絲首尾結為金  
花飾以粉銍襯以紅羅泥金夾帊藉以錦褥盛以黥漆

匣長九尺五寸闊尺二寸高八寸裝以金花刻為金地  
合羅枝條隱起花覆以紅羅泥金帔絡以紅絲結縹襯  
以紅錦褥安以黝漆金葉裝牀其竿飾以螭首今請用  
珉玉簡七十五其黝漆匣用金塗銀花鳳葉加以腰輿  
行馬飾以花鳳條以魚鉤竿以螭首寶以黃金為之文  
曰皇太子寶係龜鈕舊制金寶方二寸厚五寸係以朱  
組大綬連玉環金斗金檢長五寸  
闊二寸厚二分悉裹以紅錦  
加紅羅泥金帔納於小盞

二年禮部請郡縣假借印記悉毀而更鑄

南渡之初有司印章多失尚方重鑄給之加行在二字或冠年號以別新舊然欺偽猶未能革至紹熙初禮部侍郎李燾言文書有印以示信防姦給毀悉經省部具有條制然州縣沿循或以縣佐而用東南將印以掾曹而用司寇舊章名既不正弊亦難防請令有司製州縣官合用印記舊印非所當用者毀之上從其請由是名實正而真偽別矣

寧宗嘉定十四年山東效順鑄滄景淄密萊登濰德莒

濱齊隸青海州靜海州泰安軍及京東安撫使馬步軍  
總管京東河北鎮撫節制大使印並冠以嘉定二字

十一月京東河北節制司繳進北方大將撲鹿花所獻

皇帝恭膺天命之寶并元符三年御府寶圖一冊

時准東制

置使兼京東河北節度使賈涉遣京東路鈐轄  
趙拱北軍大將撲鹿花獻之續令呂柟投進

又鎮江

副都統制翟朝宗繳進玉寶檢時獲元符玉寶而朝宗  
以玉檢來上其文若合符契乃詔以來年元日受寶於  
大慶殿時又得玉璽其文曰受命於天既壽永昌禮官



條具典禮請附於皇帝恭膺天命之寶以獻宗廟閏十  
二月行奏獻之禮以內侍羅舜舉為內符寶郎提舉奉  
安玉寶有司豫製沿寶法物及寶輿明年正月朔皇帝  
服靴袍御大慶殿設黃麾半仗受朝賀畢次受玉寶進  
呈讀印文訖於天章閣安奉己未大赦天下監司帥守  
在外從官以上令上表陳賀及三衙諸軍都副統制親  
屬捧表進貢皆特推恩臣僚請詔禮官集受寶儀注勒  
為成書藏之祕閣十六年七月置奉安符寶所建殿以

內臣掌之

初淳熙十四年春有聶事愿者獲古印其文曰皇帝車駕奉祀汾陰之寶吳琚以獻於朝

詔藏天章閣下工部考覈乃銅也按汾陰記封金匱石匱用受命寶及天下同文寶此寶不見於紀載朝論疑之卒不加賞云

文獻通考卷一百十五

欽定四庫全書

文獻通考卷一百十六

鄱陽馬端臨貴與著

王禮考十一

乘輿車旗鹵簿

昔人皇氏乘雲駕六羽出谷口或云祇車也及五龍氏  
乘龍上下以治古史考之黃帝作車至少皞始駕牛及  
陶唐氏制彤車乘白馬則馬駕之初也

黃帝振兵教熊羆貔獬虎制陣法設五旗五麾

有虞氏因彤車而制鸞車

鸞有鸞和也

有虞氏之旂

有虞氏當

言綏夏后氏當言旂此蓋錯誤也綏謂注旄牛尾於杠首所謂大麾周禮王建大麾以朝

夏后氏因鸞車而制鉤車

鉤有曲蓋曲蓋者謂曲前闌也鉤之言不揉自曲

俾

車正奚仲建旂尊卑上下各有等級 夏后氏之綏

綏當為旂此錯誤夏后氏漸文既注旄竿首又有旒綦

夏后氏駱馬黑鬣

駱白黑相

間也此馬白身黑鬣故云駱也夏尚黑故云黑鬣

夏后末代制輦

輦按輦人所輦也傳元

子曰夏名輦曰輿車司馬法曰夏后二十人而輦

殷因鈎車而制大輅

大輅車輅也禮緯曰山車垂鈎乃鈎車之象昔成湯用而郊祀有山

車之瑞山車亦謂之桑根車似金根之色亦謂之大輅

殷之大白

謂白色旗殷尚白故隨代

之色無所畫也

殷人白馬黑首

純白似凶故黑首亦從所尚也

殷曰胡奴

車

即輦也殷十人而輦

周因鈎車以制木輅約木以加飾為王之五路一曰王

路錫樊纓十有再就建太常十有二旂以祀

王在馬曰路玉路以

玉飾諸末錫馬面當盧刻金為之所謂鏤錫也樊讀如輦帶之輦謂今馬大帶也鄭司農云纓謂當胸以削革為之三就三重三面也元謂纓今馬鞍玉路之樊及纓皆以五彩屬飾之十二就就成也太常九旗之畫日月

者正幅為綵帟則屬馬

疏曰飾諸末几車上之材於

末頭皆飾之錫眉上曰錫刻金飾之纓夾馬頸故以馬

鞅解之就謂毛羗以為罽染五采飾之一采一匝為一

就就數雖多亦一采一匝也鈎在膺前玉路有錫亦有

鈎上得兼下金路有金路鈎樊纓九就建大旂以賓同

鈎無錫下不得僭上金路鈎樊纓九就建大旂以賓同

姓以封鈎亦以金為之其樊及纓以五采罽飾之而九

成大旂九旗之畫交龍者以賓以會賓客同姓以封謂

王子母弟率以功德出封雖為侯伯其畫服猶如上公

若魯衛之屬其無功德各象路朱樊纓七就建大赤以

以親疏食采畿內而已象路朱樊纓七就建大赤以

朝異姓以封象路以象飾諸末象路無鈎以朱飾勒而

已其樊及纓以五采罽飾之而七成大赤

九旗之通帛以朝以日視朝異姓王甥

舅疏云凡言勒者馬之轡飾皆是草路龍勒條纓

草路龍勒條纓

草路龍勒條纓

草路龍勒條纓

五就建大白以即戎以封四衛

草路鞞之以草而漆之無他飾龍駝也以白黑

師韋雜色為勒條讀為條其樊及纓以條絲飾之而五成不言樊蓋脫耳以此言條知玉路金路象路飾樊纓皆不用金玉象矣大白殷之旗猶周大赤蓋象正色也即戎謂兵事四衛四方諸侯守衛者蠻服以內疏曰金玉象路皆以草鞞但更有玉金象為飾故謂之他物且有玉金象之名今此草路亦用草鞞而無他物則名為草路而已龍

**木路前樊鵠纓建大麾以田以封蕃國**

木路不鞞以草漆之而已前讀為緇翦之翦翦淺黑也木路無龍勒以淺黑飾韋為樊鵠色為纓不言就數飾與草路同大麾不在九旗中以正色言之則黑夏后氏所建田四時田獵蕃國謂九州之外夷服鎮服蕃服疏曰木上無草故言木路無龍勒降於草路也凡五等諸侯所得路者在國祭祀及朝天子皆乘之但朝天子

之時乘至天子館則舍之於館諸侯  
自相朝亦應乘之親迎皆乘所賜路

陳氏禮書曰古者服牛乘馬引重致遠以利天下

則車之作尚矣或曰黃帝作軒冕不可考也車之  
制象天以為蓋象地以為輿象斗以為杠轂象二  
十八星以為櫟象日月以為輪輻前軾而後戶前  
軌而後軫旁轆而首以較下軸而銜以轡對人者  
謂之對車如舟者謂之輶操而相迎者謂之牙輶  
之曲中謂之前疾軛之上平謂之衡衡之材與輿



之下木皆曰任以其力任於此也轂之端與轆之下木皆曰軹以其旁止於此也軹可以名輿可以名車達常可以名部軹前橫木可以名輅此又因一材而通名之也其為車者有長轂者有短轂者有杼輪者有倅輪者有反樛者有仄樛者有兩輪者有四輪者有有輻者有無輻者有曲轆者有直轆者輹直輹有一轆者有兩轆者有直輿者有曲輿者鉤車曲輿有廣箱者有方箱者有重較者有單較者

或駕以馬或駕以牛或鞅以人或飾以物或飾以漆或樸以素要皆因宜以為之制稱事以為之文也然禮有屈伸名有抑揚故論其任重則雖度人之牛車亦與大夫同稱大車論其等威則雖諸侯之正路於王門曰偏駕而已

又曰路大也玉路金路象路以金玉象飾之也草路鞅而漆之木路漆之而不鞅則有飾者皆鞅而漆鞅而漆者無飾也玉路錫樊纓十有再就金路

鈎樊纓九就象路朱樊纓七就草路龍勒條纓五  
就木路前樊鵠纓者錫在顙鈎在額朱者勒之色  
龍者勒之飾詩言鏤錫左傳言錫鸞和鈴昭其聲  
也莊周言齊之以月題錫白金也鏤其文也月題  
其象也則錫象月而鏤之又昭其聲也詩言鈎膺  
采芑曰鈎膺條草  
韓奕曰鈎膺鏤錫則鈎在膺前亦金為之爾雅轡  
首謂之草詩曰條草金厄儀禮士纓轡貝勒夫諸  
侯之條草有金厄毛義曰厄鳥蠲也士之勒有貝飾則王

之草路有龍勒宜矣巾車行人言樊纓禮記左傳  
皆作繁纓繁纓十有再就九就七就五就之別此  
左傳所謂游纓昭其數也杜預曰纓在馬膺前如  
素帟則纓非鞅也樊然為鞅之飾耳杜子春謂故  
書鵠或為結則前樊結纓者無就而結之爾條則  
不結則條纓垂而長者也然則錫也鈎也朱也龍  
勒也玉金象草四路蓋皆有之采芑言方叔之車  
鈎膺條草韓奕言韓侯車鈎膺鏤錫夫方叔在征

則草路矣而有鉤膺

釋詩者謂方叔乘金路然金

姓又非就封其於

韓侯就封則象路矣而有鏤錫

是錫不特施於玉路而鉤不特施於金路也以此

觀之則禮所謂錫也鉤也朱也龍勒也條也各舉

其一互相脩也若夫木車則質而已故前樊結纓

則結其前而非全結也巾車言五者之飾皆其首

面領膺之著者也故不及腹帶鄭康成以樊為鞶

帶之鞶又以龍為駝條為條前為翦非也纓盖用

組為之與冠纓同五采一匝為就與圭繅冕旒之  
就同鄭司農以士喪馬纓三就為削草三重康成  
謂樊纓以五采屬飾之又謂金路無錫有鉤鵠纓  
就數與草路同殆不然也禮曰丹漆雕幾之美素  
車之乘詩曰路車有奭毛氏曰奭赤貌路車之飾  
皆丹漆矣然禮言玉路以祀又言素車之乘蓋王  
之祀天自國至大次則乘玉路自大次以升壇則  
乘素車猶之聽祭報以皮弁及祭則服大裘冕也

中車金路以賓同姓以封象路以朝異姓以封草  
路以即戎以封四衛木路以田以封蕃國言同姓  
以封而不言以封同姓言異姓以封而不言以封  
異姓則嫌以賓獨賓同姓以朝獨朝異姓故也同  
姓一異姓二以異姓對庶姓則庶姓非異姓也司儀  
土揖庶姓時揖異姓孔子以南宮縚  
為異姓則異姓姻也庶姓非姻也以異姓對同

姓則庶姓亦異姓而已故中車金路封同姓象路  
封異姓禮記於侯授同姓謂之伯父叔父異姓謂

之伯舅叔舅凡此所謂異姓者庶姓預之也同姓亦曰內姓異姓亦曰外姓左傳曰同姓選親外姓選舊

又曰書曰大輅在賓階面綴輅在阼階面先輅在左塾之前次輅在右塾之前禮器曰大路繁纓一就次路繁纓七就郊特牲曰大路繁纓一就先路三就次路五就然則周官馭玉路者謂之大馭則玉路謂之大路獨周為然若夫商之大路則木路



而已春秋傳與荀卿曰大路越席禮器與郊特牲  
曰大路繁纓一就明堂位曰大路商路也孔子曰  
乘殷之路皆木路也然禮器與郊特牲言大路繁  
纓一就則同其言次路繁纓五就七就則不同者  
先王之路降殺以兩反此而加多焉蓋亦以兩而  
已大路一就先路三就則次路有五就七就者矣  
書言次路以兼草木二路則商之次路五就七就  
庸豈一車耶鄭氏以七就為誤是過論也夫綴路

金路也以其綴於玉路故也先路象路也以其行道之所先故也次路草路木路也以其次於象路故也周官典路若有大祭祀則出路大喪大賓客亦如之凡會同軍旅弔於四方以路從蓋王之行也乘玉路而先之以象路次之以草路木路而金路綴於玉路之後觀書先路在左塾之前而居西次路在右塾之前而居東春秋之時鄭侯以先路三命之服賜子展以次路再命之服賜子產魯以

先路三命之服賜晉三帥以一命之服賜司馬與  
師以下則先路固貴於次路矣孔安國亦以先路  
為象路蓋亦有所受之也諸侯有先路後路亦有  
大路樂記亦曰大輅天子之輅所以贈諸侯雜記  
諸侯之贈有垂黃大路相祿以後路與冕服先路  
與褒衣蓋諸侯之大輅則金路謂之大路猶熊侯  
謂之大夫侯春秋傳稱王賜晉文公以大路之服  
傳二十  
八年祝鮀言先王分魯衛晉以大路年定四王賜

鄭子僑以大路

襄十九年

王賜叔孫豹以大路

襄二十四年

杜氏以賜魯衛晉之大路皆金路賜穆叔子僑之

大路當是草木二路此不可考

司常掌九旗之物名各有屬以待國事日月為常交龍為旂通帛為旛雜帛為物熊虎為旗鳥隼為旟龜蛇為

旐全羽為旞析羽為旖

物名者所畫異物則異名也屬謂徽識也大傳謂之徽號今城

門僕射所被及亭長著絳衣皆其舊象通帛謂大赤從周正色無飾雜帛者以帛素飾其側白殷之正色全羽析羽皆五采繫之於旞旖之上所謂注旞於干首也凡九旗之帛皆用絳疏曰九旗之中旛物旖旞不畫此

總言之故皆云畫耳天子之衣無日月星故有升龍降龍諸侯不得與天子同故其衣有升龍無降龍天子之旂有日月星辰諸侯旂旂無日月星故有升龍降龍升龍象朝王降象還本國也旂不畫異物帛而已物赤中白旁旗畫鳥隼象勇鳥象捷疾旒畫龜蛇象避難

**道車載旒**

道車象輅也王以朝夕燕出入

所乘全羽為旒全羽析羽皆象文德夏采註云禹貢徐州貢夏翟羽有虞氏為綏後染羽用之無帛**游車**

**載旌**

析羽為旌

**大麾以田**

夏后氏之正色

**大白以即戎**

殷之正色**翺旌**君射

於國中以翺旌為獲白羽**龍旒**君射於境所用也畫與朱羽揉鴻脰韜扛三仞**龍旒**龍於通帛之旒上

陳氏禮書曰釋名曰旗期也言與衆期於下明堂

位曰有虞氏之綏夏后氏之綢練商之崇牙則其

制有自矣司常日月為常交龍為旂熊虎為旗鳥  
隼為旟龜蛇為旐全羽為旛析羽為旟則其等有  
辨矣然熊虎為旗而九旗亦謂之旗經傳凡言旌  
旗是也日月為常而諸侯之旂亦謂之常行人公  
侯伯子男建常是也交龍為旂天子之常亦謂之  
旂觀禮天子載大旂是也析羽為旟天子至大夫  
士之旗亦謂之旟樂記龍旂天子之旟鄉射旌各  
以其物是也爾雅曰素錦綢杠纁帛縵素升龍於

綦練旒九飾以組維以縷蓋揭旗以杠綢杠以錦  
正幅為綦為旒旒亦曰飾綦以縷則旒績矣左傳  
曰績蒺是也升龍素則降龍青矣曲禮曰左青龍  
是也蓋青陽也素陰也陽在上而降陰在下而升  
交泰之道也覲禮曰天子載大旂升龍降龍周禮  
曰交龍為旂又曰諸侯建旂則天子諸侯之旂龍  
章一也司馬法謂旗章夏以日月上明商以虎上  
威周以龍上文先儒謂諸侯畫交龍一象其升朝

一象其下復然商頌曰龍旂十乘則商不聞其以虎也天子之旂亦升龍降龍不象其升朝下復也

先儒又謂天子之旌高九仞

仞八尺

諸侯七仞大夫

五仞士三仞死者以尺易仞天子九尺諸侯七尺

大夫五尺士三尺射禮無物則翺旌杠三仞士喪禮無銘則緇銘而杠三尺其說蓋有所受也舊圖杠首為龍首銜結綬及鈴蓋承唐制然歟

又曰周禮司常日月為常巾車王乘玉路建太常



十有二旂以祀覲禮天子乘龍載大旂象日月升  
龍降龍郊特牲曰旂十有二旒龍章而設日月象  
天也魯頌與明堂位言魯用天子之禮亦曰龍旂  
承祀旂十有二旒日月之章左傳曰三辰旂旗昭  
其明也然則常有三辰升龍降龍設崇牙脩弧矢  
張以張縿也鄭氏謂崇牙  
考為重牙以飾旒之側飾之以旄垂之以鈴人  
臣有功則書於其上考工記曰弧旌枉矢以象弧  
鄭氏曰畫枉  
矢恐不然也明堂位曰乘大路載弧韜覲禮侯氏

載龍旂弧韜左傳曰錫鸞和鈴爾雅曰有鈴曰旂  
書曰厥有成績紀于太常司勳凡有功者銘書於  
王之太常觀此則太常之制可知矣太常不特祀  
天而已至於拜日禮月祀方明禮四瀆禮山川秋  
治兵冬大閱皆載焉祀方明遂會諸侯則所會之  
旂與朝之大赤異矣治兵大閱然後田則治兵大  
閱之旂與田之大麾異矣鄭氏謂春夏之田用大  
麾秋冬建太常王之自將建太常不自將建大白

然後治兵非即戎也治兵大閱未即田也孰謂行  
師而不建大白田而不建大麾乎然常之三辰則  
日月北斗而已與衣服之畫星辰不同觀曲禮曰  
招搖在上穆天子傳稱天子葵盛姬建日月七星  
蓋旗以指物則所畫者不過北斗耳漢郊祀歌曰  
招搖靈旗則後世旗亦畫北斗也

周曰輜車即輦也

不知何年去其輪  
周十五人而輦

秦平九國蕩滅典籍舊制多亡因金根車用金為飾謂

金根車而為帝軫

金根以金為飾

黑旗皂旒以從水德復法水

數駕馬以六

五子之歌曰若朽索之馭六馬則六馬非始於秦制但法水德相符耳

古者

諸侯貳車九乘秦滅九國兼其車服故大駕屬車八十

一乘

周制凡良車散車任馬者其用無常以給游燕及思惠之賜從車所載財貨輜重之車車後開戶作

之有功有沽良車功多散車功少鄭元曰作之有功有沽沽麗也則屬車之流周末諸侯有貳車九乘秦滅而兼之薛綜曰屬者相連屬也皆在後貳行法駕半之左右分行其車皆皂蓋

赤裏木輜輜戈矛弩箛尚書御史所載最後一乘懸豹

尾豹尾以前為省中

小學漢官篇曰豹尾過後罷屯解圍胡廣曰施之道路故須過後屯

圍乃得解所以戒不虞也淮南子曰軍正執  
豹皮所以制正其衆也省中即今之仗內

秦以輦

為人君之乘

古謂人牽為輦宋萬以乘車輦其母秦始皇乃去其輪而輿之漢代遂為人君之乘

漢制乘輿大駕備車千乘騎萬匹屬車八十一乘公卿

奉引太僕大將軍驂乘祀天於甘泉用之

三輔黃圖天子出車駕次第謂之鹵簿有大駕有法

駕有小駕大駕則公卿奉引大將軍驂乘太僕御屬

車八十一乘作三行尚書御史乘之最後一乘乘豹

尾豹尾以前皆為省中脩千乘萬騎出長安出祠天

於甘泉脩之百官有其儀注名曰甘泉鹵簿法駕京兆尹奉引侍中駟乘奉車郎御屬車三十六乘

石林葉氏曰大駕儀仗通號鹵簿蔡邕獨斷已有此名唐人謂鹵櫓也甲楯之別凡兵衛以甲楯居外為前導捍蔽其先後皆著之簿籍故曰鹵簿因舉南朝御史中丞建康令皆有鹵簿為君臣通稱二字別無義此說為差近或又以鹵為鼓簿為部謂鼓駕成而部伍不知鹵何以謂之鼓又謂石季

龍以女騎千人為一鹵部簿乃作部皆不可曉今  
有鹵簿記宋宣獻公所修審以簿籍之簿則既云  
簿不應更言記

漢王車黃屋左纛

李斐曰天子車以黃繒為蓋裏纛毛羽幢也在乘輿車衡左方上注之蔡

邕曰以犛牛尾為之如斗或在駢頭或在衡或在最後左駢馬駿上鸞旗在前屬車在後  
師古曰鸞旗編以羽毛列繫幢旁載翠鳳之駕師古曰

於車上大駕出則陳於道而先行

翠鳳之駕

師古曰天子乘

車為鳳形而飾以翠羽也楊雄傳

旌旗鼓車旄頭先驅

師古曰凡此皆天子之制又東

方朔傳應劭云旄頭以羽林為之髮正向上而長衣繡衣在乘輿之前

驂乘

師古曰乘車之法尊者居

左御者居中又有一人處車之右以備傾側是以戎事則稱車右其餘則曰驂乘蓋取三人為名義耳陳平降漢漢王使驂乘周緹以舍人從高祖常為驂乘文帝自代來令宋昌驂乘文帝朝東宮趙談驂乘袁盎伏車前曰臣聞天子所與共六尺輿者皆天下豪英今漢雖乏人獨奈何與刀鋸餘人共載於是上笑下談談泣下車武帝時金日磾遣侍中駙馬都尉光祿大夫出則驂乘宣帝始立謁高廟大將軍光驂乘上內嚴憚若有芒刺在背後車騎將軍張安世代驂乘上從容肆體甚安

高祖為沛公旗幟皆赤由所殺蛇白帝子所殺者赤帝子故也

司馬相如傳乘鏤象六玉蚪

張揖曰鏤象象路也以象牙疏鏤其車輅六玉



蚪謂駕六馬以玉飾其鑣勒  
有似玉蚪龍子有角曰蚪

拖蚪旌

析羽毛染以五采綴以鏤為旌

有似虹

靡雲旗

畫熊虎為旒於旗似雲氣

前皮軒後道游

皮軒之上以赤

皮為重蓋天子時出道車五乘游車九乘言皮軒最居前而道游次皮軒之後也

揚雄傳乘輿廼登夫鳳凰兮翳華芝

師古曰鳳凰者車以鳳凰為飾

也翳蔽也以華芝為蔽也

駟蒼螭兮六素蚪

四六駕數也螭似龍一名螭

流星

旄以電燭兮咸翠蓋而鸞旗屯萬騎於中營兮方王

車之千乘

方並也

張耀日之元旄揚左纛被雲稍

稍與旂同

奮雷鞭駟雷輜鳴洪鐘建五旗

漢舊儀云黃帝車駕建五旗蓋謂五色之

旗也以木牛承其下取其負重致遠建九旒六白虎載靈輿立歷天之

旂曳梢星之旃舉洪頤植靈旗

旗名也

漢舊儀皇帝起居儀宮馬內百官所使按傳籍而後  
出入營衛周廬晝夜誰何殿門外署衛尉殿內郎署  
屬光祿勳黃門鈎盾近署屬少府輦動則左右傳帷  
幄者稱警蹕則衛官填街騎士塞路出殿則傳蹕止  
人清道建五旗丞相入卿執兵奉引先置素室清宮  
而後往故曰出則屏門入則瘞塞所以重威固絕無

間防未然也乘輿冠高山冠飛羽之纓幘耳赤丹純裏帶七尺斬蛇劍履虎尾約履

漢輦因秦以彫玉為之方徑六尺或使人輓之或駕果下馬

東漢大駕希用惟上陵及遭太喪施之法駕公卿不在鹵簿中唯河南尹執金吾洛陽令奉引侍中驂乘奉車

郎御屬車三十六乘或曰四十六乘前驅有九旂雲罕旂車有九乘前

史不記形武王剋紂百夫荷罕旗而先驅鳳凰闌戟闌東京賦曰雲罕九旂薛綜曰罕旌旗名也

為言亟也取

皮軒鸞旗

應劭漢官鹵簿圖曰乘輿大皆駕則御鳳凰車以金根為列

大夫載

皮軒謂虎皮軒郭璞曰皮軒草車或曰即曲禮前有士師則載虎皮

鸞旗者編羽

旄列繫幢旁

胡廣曰建蓋在中

民或謂之雞翹非也

胡廣曰鸞旗以銅作

鸞鳥車衡上

後有金鉦黃鉞

說文曰鉞大斧也司馬法曰夏執元鉞殷執白鉞周

仗黃鉞

黃門鼓車大駕屬車八十一乘法駕半之屬車皆

皂蓋朱裏木輜輜戈矛弩箠尚書御史所載最後一車

懸豹尾

薛綜曰傳御史載之

豹尾以前比省中

禮記前載虎皮亦此之義類

行

祠天郊以法駕祠地明堂省什三祠宗廟尤省謂之小

駕每出太僕奉駕上鹵簿中常侍小黃門副尚書主者  
郎令史副侍御史蘭臺令史副皆執注以督整車騎謂  
之護駕春秋上陵尤省於小駕直事尚書一人從其餘  
令以下皆先行後罷

乘輿金根安車立車

蔡邕曰五安五立徐廣曰立乘曰高車坐乘曰安車

輪皆朱

班重牙

周禮曰牙也者以為因袍也鄭衆曰牙謂輪輜也世間或謂之輞

貳轂兩轄

蔡邕

曰轂外復有一轂抱轄其外乃復設轄抱銅置其中東京賦曰重輪貳轄疏轂飛輪

金簿繆龍為

輿倚較

徐廣曰繆交錯之形也較在箱上說文曰櫨文畫蕃之箱也通俗文章車箱為較

文虎

伏軾

軾車橫覆膝人所馮止者也

龍首銜軛左右吉陽簫鸞雀立衡

徐廣曰置金鳥於橫上

櫺文畫輶羽蓋華爪

徐廣曰翠羽蓋黃裏所謂黃屋車也金華

施朱櫨有二十八枚即蓋弓也東京賦曰樹翠羽之高蓋薛綜曰樹翠羽為蓋如雲龍矣金作華形莖皆低曲

建大旂十有二旂畫日月升龍駕六馬

東京賦云六馬方料之奕奕象

鑣鏤錫金駿方鈇插翟尾

獨斷曰金鑣者馬冠也高廣各五寸上如玉華形在馬髦

前方鈇鐵也廣數寸在馬駿後後有三孔插翟尾其中薛綜曰鈇中央兩頭高如山形而實中翟尾結著之類

延之幼誥曰鈇垂輿馬頭上防鈇角所以防罔羅鈇以翟尾鐵翮象之也徐廣曰金為馬文尾也

朱兼

樊纓赤罽易茸金就十有二左纛以鼂牛尾為之在左

駢馬輓上大如斗

徐廣曰馬在中曰腹在外曰駢駢亦名駢蔡邕曰在最後左駢馬頭上

是為德車五時車安立亦皆如之各如方色馬亦如之

白馬者朱其髦尾為朱鬣云所御駕六餘皆駕四後從

為副車

古文尚書曰予臨兆民凜乎若朽索之馭六馬逸禮王度記曰天子駕六馬諸侯駕四大夫三

士二庶人一周禮四馬乘毛詩天子至大夫同駕四士駕二易京氏春秋公羊說皆云天子駕六許慎以為天

子駕六諸侯及卿駕四大夫駕三士駕二庶人駕一史記曰秦始皇以水數制乘六馬鄭元以為天子四馬周

禮乘馬有四國各養一馬也諸侯亦四馬顧命時諸侯皆獻乘黃朱乘亦四馬也今帝者駕六此自漢制與古

異耳蔡邕表志曰以文義不著之故俗人多失其名五時副車曰五帝車鸞旗曰雞翹耕耜曰三蓋其比非一

也

蔡邕獨斷法駕上所乘曰金根車駕六馬有五色安  
車五色立車各一皆駕四馬是為五時副車俗人名  
曰五帝車非也又有戎立車以征伐三蓋車名耕根  
車一名芝車親耕籍田乘之又有蹋猪車慢輪有畫  
田獵乘之綠車名曰皇孫車天子孫乘之以從凡乘  
輿車皆羽蓋金華爪黃屋左纛金鈐方鈐繁纓重轂  
副牽繁纓在馬膺前如素帟重轂轂外復有一轂施牽其外諸車之文乘輿倚



龍伏虎旗文畫輶龍首鸞衡重牙班輪升龍飛軫薛

緯

曰飛軾以緹油廣八寸長注地畫左蒼龍右白虎繫軸頭二十石亦然但無畫耳盧植禮記注曰軾軾頭也楚辭云倚結軾兮太息王逸注曰重較也李尤小車銘曰軾之嚙虛疏達開通按二家之言不如緯注

所記諸馬之文按乘輿金鏤方鈇插翟象鑣爾雅注曰鑣馬勒旁

鉞也皆用象牙龍畫總沫升龍赤扇汗詩云朱幘鑣鑣毛傳

汗且以為鑣飾青兩翅燕尾駙馬左右赤珥流蘇飛鳥節赤

膺

漢官儀侍中左貂右蟬本秦丞相史往來殿中分掌

乘輿服物下至執器虎子之屬武帝時孔安國為侍  
中以其儒者特令掌御唾壺朝廷榮之至東京時屬  
少府亦無員駕出則一人負傳國璽操斬蛇劍乘輿  
中官俱止禁中

光武平公孫述始獲葆車輿輦而因舊制金根車擬周  
之玉輅最尊者也

其制見前

大駕則御鳳凰車以金根為副

魏武帝受漢獻帝命乘金根車駕六馬設五時副車

明帝景初中山荏縣黃龍見以為魏得地統服色尚黃

戎事乘黑首白馬

魏晉小出則乘輦亦多乘輿

晉制玉金象草木等路是為五路並天子之法車皆朱

班漆輪畫為櫺

其巨反

文三十幅法月之數重轂貳轄以

赤油廣八寸長三尺注地繫兩軸頭謂之飛軫金薄繆

龍為輿倚較較重為文獸伏軾龍首銜軛左右吉陽甬

鸞雀立衡櫺文畫軛及幡青蓋黃為裏謂之黃屋金華

施櫺朱櫺二十八以象宿兩箱之後皆玳瑁為鷗翅加

以金銀彫飾故世人亦謂之金鷄車斜注旂旗於車之

左又加榮

音啓

戟於車之右皆橐而施之榮戟韜以黻繡

上為亞字繫大蛙蟆幡輓長丈餘於戟之杪以鼈牛尾

大如斗置左馱馬輓上是為左纛轅皆曲向上取禮緯

山車垂句之義言不櫟而能自曲玉金象三路各以其

物飾車因以為草者漆草木者漆木其制玉路最尊建

太常十有二旒九仞委地畫日月升龍以祀天金路建

大旂九旒以會萬國之賓亦以賜上公及王子母弟象

路建大赤通赤無畫所以視朝亦以賜諸侯草路建大白以即戎兵事亦以賜四鎮諸侯木路建大麾以田獵其麾色黑亦以賜蕃國玉路駕六黑馬餘四路皆駕四

馬馬並以黃金為文髦挿以翟尾象鹿而鏤錫

錫在馬面所謂

當顧者也

金鏤而方釤

金鏤謂以金鏤為文旄以鐵為之其大三寸中缺而兩頭高如山形貫中

以翟尾而結著之

繁纓赤罽易茸金就十有二

繁纓馬飾纓在馬膺前如素帟

五路皆有錫鸞之飾和鈴之響鉤膺玉璫

鉤膺即繁纓也璫馬帶玦

名龍輶華輶

輶車輶也頭為龍象輶謂車衡上環受鸞者也

朱幘

幘飾也人君以朱纒鑣扇

汗以為飾也

法駕行則有五路各有所主不俱出臨軒大會

則陳乘輿車輦旌鼓於其殿庭車坐乘者謂之安車倚乘者謂之立車亦謂之高車

按周禮惟王后有安車也王亦無之自漢以來制乘輿乃有之有青立車青安車赤立車赤安車黃立車黃安車白立車白安車黑立車黑安車合十乘名為五時車俗謂之五帝車天子所御則駕六其餘並駕四建旂十二各如車色立車則正豎其旂安車則斜

注駕馬亦各隨五時之色白馬則朱其鬣尾左右駢  
駢金鏤鏤錫黃屋左纛如金根之制行則從後

五牛旗平吳後所造以五牛建旗車設五牛青赤在左  
黃在中白黑在右豎旗於牛背行則使人輿之牛之為  
義蓋取負重致遠而安穩也旗常纏不舒所謂德車結  
旌也天子親戎則舒所謂武車綏旌也

晉大駕鹵簿先象車

象車漢鹵簿最在前武帝太康中  
平吳後南越獻馴象詔作大車駕

之以載黃門鼓吹數十人使越  
人騎之元正大會駕象入庭

鼓吹一部十三人中道

次靜屋令駕一中道或道候二人駕一分左右次洛陽尉二人騎分左右次洛陽亭長九人赤車駕一分三道鼓吹正二人引次洛陽令皂車駕一中道次河南中部椽中道河橋椽在左功曹史在右並駕一次河南尹駕駟戟吏六人次河南主簿駕一中道次河南主記駕一中道次司隸部河南從事中道都部從事居左別駕從事居右並駕一次司隸校尉駕三戟吏六人次司隸主簿駕一中道次司隸主記駕一中道次廷尉明法掾中



道五官掾居左功曹史居右並駕一次廷尉駕駟戟吏  
六人次廷尉主簿主記並駕一在左太僕引從如廷尉  
在中宗正引從如廷尉在右次太常駕駟中道戟吏六  
人太常外部掾居左五官掾功曹史居右並駕一次光  
祿引從中道太常主記居左衛尉居右並駕一次太尉  
外督令史駕一中道次東西捕賊倉戶等曹屬駕一列  
從次太尉駕駟中道太尉主簿舍人各一人祭酒二人  
並駕一在左右次司徒引從駕駟中道次司空引從駕

駟中道三公騎令史戟各八人鼓吹一部七人次中護  
軍中道駕駟鹵簿左右各二行戟楯在外弓矢在內鼓  
吹一部七人次步兵校尉在左長水校尉在右並駕一  
鹵簿左右二行戟楯在外刀楯在內鼓吹各一部七人  
次驍騎將軍在左游擊將軍在右並駕一皆鹵簿左右  
各二行戟楯在外刀楯在內鼓吹各一部七人騎隊五  
在左五在右隊各五匹命中督二人分領左右各有戟  
吏二人麾幢揭鼓在隊前次左將軍在左前將軍在右

並駕一皆鹵簿左右各二行戟楯在外刀楯在內鼓吹  
各一部七人次黃麾騎中道次黃門前部鼓吹左右各  
一部十三人駕駟八校左右各四行外大戟楯次九尺  
楯弓矢弩並熊渠飲飛督領之次司南車駕駟中道護  
駕御史騎夾左右次謁者僕射駕馳中道次御史中丞  
駕一中道次武賁郎將騎中道次九遊車中道武剛車  
夾左右並駕駟次雲罕車駕駟中道次關戟車駕駟中  
道長戟斜偃向後次皮軒車駕駟中道次鸞旗車中道

建華車分左右並駕駟次護駕尚書郎三人都官郎中  
道駕部在左中兵在右並騎又有護駕尚書一人騎督  
攝前後無常次相風中道次司馬督在前中道左右各  
司馬史三人引仗左右各九尺楯弓矢弩次五時車左  
右有遮列騎次典兵中郎中道督攝前却無常左殿中  
御史右殿中監並騎次高蓋中道左畢右畢次御史中  
道左右節郎各四人次華蓋中道次殿中司馬中道殿  
中都尉在左殿中校尉在右左右各四行細楯一行在

弩內又殿中司馬一行殿中都尉一行殿中校尉一行  
次柶鼓中道次金根車駕六馬中道太僕大將軍參左  
右又各增三行為九行司馬史九人引大戟楯二行九  
尺楯一行刀楯一行細弩一行細跡禽一行槌斧一行  
刀楯一行連細楯殿中司馬都尉校尉為左右各十三  
行金根車建青旂旂十二左將軍騎右殿中將軍持鑿  
腦斧夾車車後衣書主職步徒六行合左右三十二行  
次曲華蓋中道侍中騎常侍黃門侍郎並騎分左右次

黃鉞車駕一在左御麾騎在右次相風中道次中書監  
騎左祕書監騎右次殿中御史騎左殿中監騎右次五  
牛旗赤青在左黃在中白黑在右次大輦中道太官令  
丞在左太醫令丞在右次青立車次青安車次赤立車  
次赤安車次黃立車次黃安車次白立車次白安車次  
黑立車次黑安車合十乘並駕駟建旗十二旂如車色  
立車正豎旗安車斜施之次蹋猪車駕駟中道無旗次  
耕根車駕駟中道赤旗十二旂熊渠督左欽飛督右次

御輅車次御四望車次御衣車次御書車次御藥車並  
駕牛中道次尚書令在左尚書僕射在右又尚書郎六  
人分左右並駕一又治書侍御史二人分左右又侍御  
史二人分左右又蘭臺令史分左右並騎次豹尾車駕  
一自豹尾車後而鹵簿盡矣但以神弩二十張夾道至  
後部鼓吹其五張神弩置一將左右各二將次輕重二  
十乘左右分駕次流蘇馬二十四次金鉞車駕三中道  
左右護駕尚書郎并令史並騎各一人次金鉦輦駕中

道左右護駕侍御史并令史並騎各一人次黃門後部  
鼓吹左右各十三人次卓鼓車駕牛二乘分左右次左  
大鴻臚外部掾右五官掾右五官掾功曹史並駕一次  
大鴻臚駕馬戟吏六人次大司農引從中道大鴻臚主  
簿主記右少府引從次三卿並騎吏四人鈴下二人執  
馬鞭辟車六人執方扇羽林十人朱衣次領軍將軍中  
道鹵簿左右各二行九尺楯在外弓矢在內鼓吹如護  
軍次後軍將軍在左右軍將軍在右各鹵簿鼓吹如左



軍前後次越騎校尉在左屯騎校尉在右各鹵簿鼓吹如步兵射聲次領護騎遊軍校尉皆騎吏四人乘馬夾道都督兵曹各一人乘馬在中騎將軍四人騎校執角金鼓鈴下信幡軍校並駕一功曹史主簿並騎並從繖扇幢麾各一騎鼓吹一部七騎次領護軍加大車斧五官掾騎從次騎十隊隊各五十匹將一人持幢一人執靴一人並騎在前督戰伯長各一人並騎在後郎簿十隊隊各五十人絳袍將一人騎靴各一人在前督戰伯

長一人步在後騎皆持稍次大戟一隊九尺楯一隊刀楯一隊弓一隊弩一隊五隊隊各五十人黑袴褶將一人騎校執角各一人步在前督戰伯長各一人步在後

金顏督將并領之其屬車因後漢制

復制御衣御書御輅御藥等車駕牛

陽燧四望鏡  
皂輪小形

晉自過江之後舊章多缺元帝踐極始造大路戎路各一皆即古金根之制也無復充庭之儀至於郊祀大禮則權飾餘車以周用六師親征則用戎路去其蓋而乘

屬車但五乘而已加綠油幢朱絲絡飾青交路黃金塗  
五采其輪轂猶素兩箱無金錦之飾其一車又是輅車  
舊儀天子所乘駕六是時無復六馬之乘五路皆駕四  
而已同用黑是為元牡無復五時車有事則權以馬車  
代之建旗其上其後但以五色木牛象五時車豎旗於  
牛背行則使人輿之牛之義蓋取其負重致遠而安穩  
也旗常纏而不舒飾所謂德車結旌者也惟天子親戎  
五旗舒飾所謂武車綏旌者也 指南車過江亡失及

義熙五年劉裕屠廣固始復獲焉乃使工人張網補緝  
周用十三年裕定關中又獲司南記里諸車制度始備  
其輦過江亦亡制度太元中謝安率意造焉及破苻

堅於淮上獲京師舊輦形制無差大小如一時人服其  
清記義熙五年劉裕執慕容超獲金鉦輦豹尾舊式猶

存

元興中屬車唯九乘符堅敗  
又得偽車輦增為十二乘

宋孝武大明中尚書左丞荀萬秋改造五輅依晉金根  
車加赤漆攄畫玉飾諸未建青旗十有二旒駕駟以元

復因漢之安車章施羽葆蓋以祀以金根為金輅建青  
旗駕元馬四羽葆蓋以賓象草木輅並擬玉輅象輅視  
朝草輅即戎二輅並建赤旂駕元馬四木輅建赤麾以  
田駕赤馬四大事法駕五輅俱出孝建中尚書令王宏  
議屬車起秦八十一乘及三十六乘並不出經典自胡  
廣蔡邕傳說耳又是從官所乘非常副車正數江左五  
乘則儉不中禮帝王文物旗旒皆十二為節今宜依禮  
十二乘為制

齊武帝永平初伏曼容議齊德尚青車旗先青

次赤次白次黑

軍容戎事宜依漢道行運之色因宋金根車而修玉輅  
畫輪金塗兩箱上望板前優遊通祿金塗鏤鏤碧紋箱  
鑿縷金簿帖兩箱外織成衣兩箱裏金塗鏤面釘玳瑁  
帖望板箱上帖金博山優遊上和鸞立花趺銜鈴銀帶  
玳瑁簪優遊下隱膝裏施金塗鏤面花釘織成文優遊  
橫前施玳瑁帖金塗花釘金塗倒龍後損鑿銀玳瑁龜  
甲金塗花沓望板金塗受福望龍諸校飾輓及諸末皆

螭龍首龍形板在車前銀帶花獸金塗受福緣裏邊鏤  
鏤玳瑁織成衣裏金塗鏤面花釘外金塗博山辟邪障  
鳳凰銜花升盖金塗鏤二十八爪支子花黃錦升衣  
複碧絹漆布緣油頂絳絲織成顏范徒昆反赭舌孔雀毛

複錦綠紋隨陰懸諸珠蚌佩金塗鈴雲朱結人綬雜色  
真孔雀毛一轅漆畫車銜銀花帶銜上金塗博山四鸞  
鳥立花趺銜鈴龍首銜軛樞翟尾上下花沓絳綠絲的  
望繩八枚旂十有二旂畫升龍竿首金塗龍銜大駟幡

真氍毹織成衣金塗沓駐及受福金塗鴈鏤鐐漆安  
立牀在車中錦複黃紋為安立衣錦複黃紋障泥八幅  
長九尺綠紅錦芑帶織成花五輅江左相承駕駟左右  
騂為六施絳絲遊御繩其重轂貳轄飛軫幡赤油金紫  
真氍左纛置左騂馬軛上金鏤方鉞繁音擊纓金塗紫皮  
帶真氍橫在馬膺前其鏤錫皆如古制初加玉輅為重  
蓋提寶鳳綴金鏞珠璫玉螭珮四角金龍銜五采氍  
又麒麟頭加以采畫馬首戴之竟陵王子良啓曰凡蓋



圓象天軫方象地上無二天之儀下設兩蓋之飾求諸  
志錄最為乖衷又假為麟首加乎馬頭事不師古鮮或  
可施至建武中明帝乃省重蓋等金輅之飾如玉輅而  
減少象輅減金輅革輅如象輅而尤減木輅如革輅建  
大赤麾首施大駟幡玉輅金輅建碧旂象輅木輅建赤  
旂

齊輦因宋制名小輿

小輿即今之轎車駟車之流

盛增其飾竹蓬箱

外鑿鏤金簿碧紗衣織成芑錦衣箱裏及仰頂隱膝後

戶金塗鏤面釘瑇瑁帖金塗松精登仙花鈿綠四望紗  
萌子上下前後眉鏤鏤轆枕長角龍白牙蘭瑇瑁金塗  
校飾漆障形板在蘭前金銀花獸攬天伐龍師子鏤面  
榆花鈿金龍虎扶轆輓上金鳳凰鈴鏤銀口帶星後梢  
瑇瑁帖金塗花沓銀星花獸幔竿杖金塗龍牽縱橫長  
網又制卧輦校飾如坐輦不堪服用復制小輿形如輅  
車小行幸則乘之

梁車輅初因齊制天監三年五輅旗麾同用赤而旂不

異以從行運所尚也七年帝據周禮玉輅以祀金輅以賓今祀乘金輅詔下詳議周捨謂金輅為齊車本不關於祭祀於是改陵廟皆乘玉輅轡以朱絲

梁制小輿似輅車金裝漆畫地八橫元正大會乘出上殿西堂舉哀亦乘之行則從後又制步輿方四尺上施隱膝人輿上殿天子至下賤皆得乘之復制副輦加笨

步本反如犢車通憶朱絡謂之蓬輦

陳初因梁文帝天嘉初令劉仲舉議錯綜漢晉舊飾造

玉金象草木等五輅皆金簿交龍為輿倚較文豹伏軾  
虬首銜軛左右吉陽笏鸞雀立衡檠文畫輻綠油蓋黃  
紋裏相思橈金華末邪注旂旗於車之左各依方色置  
祭戟於車之右輜以黻繡獸頭幡長丈四尺懸於戟杪  
玉輅正副同駕六馬餘皆駕駟並金義髦插於翟尾玉  
為鏤錫以綵畫蛙蟆幡綴兩軸頭即漢之飛軫五路兩  
箱後皆玳瑁為鷗翅金銀雕飾兩箱裏衣紅錦金花帖  
釘上用紅錦為後檐青紋純帶夏花簾冬綺繡縵

後魏道武帝天興初修軒冕制乾象等輦草創制度多  
違舊章至孝文太和中儀曹令李韶更議改正唯脩五  
輅各依方色其餘車輦猶未能具明帝熙平中侍中崔  
光等議大造車服五輅並駕五馬亦無經據道武帝天  
興二年命禮官採古法制三駕鹵簿一曰大駕設五輅  
建太常屬車八十一乘平城令代尹司隸校尉丞相奉  
引太尉陪乘太僕御從輕車介士千乘萬騎魚麗鴈行  
前驅皮軒闐戟芝蓋雲罕指南後殿豹尾鳴笳唱上不

作鼓吹軍戎大祠則設之二曰法駕屬車三十六乘平  
城令代尹太尉奉引侍中陪乘奉車都尉御巡狩小祠  
則設之三曰小駕屬車十二乘平城令太僕奉引常侍  
陪乘奉車郎御遊宴離宮則設之天賜二年初改大駕  
魚麗鴈行更為方陣鹵簿列步騎內外為四重列標建  
旌通門建五色車旗各處其方諸王導從在甲騎內公  
在幢內侯在步稍內子在刀楯內五品朝臣夾列乘輿  
前兩箱官卑者先引王公侯子車

後魏制除  
伯男爵

旒麾蓋信

幡及散官禱服一皆絳黑

天興初始修軒冕制乾象輦羽葆圓蓋畫日月五星二

十八宿天街雲罕

星經曰昴天子出旄頭罕為天街罕罕以前驅

山林竒瑞遊

麟飛鳳朱雀元武騶虞青龍駕二十四馬又制大樓輦

車龍輶加玉飾四轂六衡方輿圓蓋金雞樹羽寶鐸流

蘇鸞雀立衡螭龍銜軌建太常畫升龍日月駕二十牛

又制象輦左右金鳳白鹿仙人羽葆流蘇金鈴玉佩初

駕二象後以六駝代之復有游觀小樓等輦駕十五馬

車等草創修制多違舊章

北齊車服制度多因後魏天保中所乘是太和中李韶所制五輅

後周依周禮設六官置司輅之職掌公車之政辨其名品物色皇帝之輅十有二等一曰蒼輅以祀昊上帝二曰青輅以祀東方上帝三曰朱輅以祀南方上帝及朝日四曰黃輅以祭地祇中央上帝五曰白輅以祀西方上帝及夕月六曰元輅以祀北方上帝及感帝神州



此六輅通漆之而無他飾即周木輅遺象也馬皆疏面  
旂就以方色俱十有二七曰玉輅以享先皇加元服納  
后八曰碧輅以祭社稷享諸先帝食三老五更享諸侯  
耕籍九曰金輅以祀星辰視朔十曰象輅以望秩羣祀  
十一曰草輅以巡兵即戎十二曰木輅以田獵行鄉畿  
此六輅以六色漆畫之用玉碧金象草物飾諸末錫面  
金鈎就以五采俱十有二其輅之飾重輪重較加茸馬  
皇帝之輅輿廣六尺有六寸畫輪輶衡以雲牙箱軾櫜

文內畫以雜獸伏軾鹿倚較三辰之常元青蒼等旗  
畫績之六仞曳地設和鸞以節趨行圓蓋方輿以象天

地

後周太常畫三辰

日月五星

旂畫青龍

天子升龍諸侯交龍

旛畫朱鳥

旌畫黃麟旗畫白虎旒畫元武皆加雲氣其旛物在軍

亦畫其事號加以雲氣徽幟亦如之

通帛為旛雜帛為物號所書其與姓

名之事號徽幟亦書之

旌節又畫白虎而析羽於其上又司常掌

旗物之藏通帛之旗六以供郊祀蒼赤黃白元等旗三

辰之常畫績之旗六以充玉輅之等一曰三辰之常二  
曰青龍旗三曰朱雀旗四曰黃麟旗五曰白虎旗六曰  
元武旄皆左建旗而右建闔戟又有繼旗四以施軍旅  
一曰麾以供軍將二曰旛以帥師三曰旂音伐以供旅帥  
四曰旆以供卒長諸公方輅碧輅建旂金輅建旗象輅  
建物木輅建旒諸侯自金輅而下如諸公之旗諸伯自  
象輅而下如諸侯之旗諸子自犀輅而下如諸伯之旗  
諸男自篆輅而下如諸子之旗三公犀輅貝輅篆輅建

旃旒夏篆夏縵及輶車建物孤卿以下各以其等建其  
旗旌杠皇帝六仞諸侯五大夫四士三旂皇帝曳地諸  
侯及軹大夫及轂士及軫凡注毛於杠首曰綏析羽曰  
旌全羽曰旒其綵皇帝諸侯加以孤羈闕戟方六尺而  
被之以黻唯皇帝諸侯軫建焉

闕戟杠綢  
與旗同

隋開皇元年内史令李德林奏後魏輿輦乖制請廢唯  
留後魏太和時李韶所制五輅北齊所尊者後著令制  
玉輅青質重箱盤輿左龍右虎金鳳翅畫櫺文輓左立

熏金鳳一在軾前八鸞在衡二鈴在軾龍輶之上前設障塵青蓋裏繡旂帶金博山綴以鏡子下垂八珮樹四十葆羽輪皆朱班重牙復轄左建太常十有二旂皆畫升龍日月其長曳地右載闔戟長四尺闊三尺敝文旗首金龍頭銜鈴及綏垂以結綬駕蒼龍金鏤方鉉插翟尾五隻鏤錫鞶纓十有二就皆五采繒罽為飾天子祭祀祀納后則乘之金輅赤質左建旗畫飛隼右建闔戟盤輿鳳等並同玉輅駕赤騮臨朝會同饗射飲至則乘之

象輅黃質左建旌畫游麟右建闕戟駕黃騶祀后土則  
乘之草輅白質輓以草左建旌畫騶虞右建闕戟駕白  
騶巡狩臨兵則乘之木輅黑質漆之左建旌畫元武右  
闕戟駕黑騶田獵則乘之其輅並駕六馬馬飾同玉輅  
復置安車重輿曲壁紫油纁裏通幃朱絲絡網朱鞶纓  
駕赤騶臨幸所乘按隋氏五輅遠酌周禮旗旂藻飾近約漢制文質相半文帝既  
平陳因為法令憲章往古大駕依秦法駕依漢小駕依  
宋煬帝大業初復脩大駕八十一乘並如犢車紫通幃

朱絲絡黃金飾駕一牛在鹵簿中單行正道後帝嫌多  
大駕減為三十六乘法駕宜用十二小駕除之可也

詳見

北史閭  
毘傳

隋制輦而不施輪通幟朱絡飾以金玉而人荷之又依  
梁制副輦復制輿如輦而小宮苑私宴御之小輿方形  
同幄帳自閤內升殿御之

文獻通考卷一百十六